


宋四家詞選





宋四家詞選

周濟輯

叢書集成初編

(補印本)

宋 四 家 詞 選

一九四〇年六月初版
一九五九年十月補印

周

濟

輯

商務印書館出版

上海大東集成聯合印刷廠印刷

序

季玉叔父嘗以周止庵宋四家詞選示讀。云得於符南樵孝廉。南樵蔭舊識。嘗師事止庵。手錄是選。思付剗。奔走無暇。蔭居浣園時。以之自隨。庚申園燬。意成灰燼。去年檢書。幸得之。亟付梓。近世論詞。張氏詞選稱極善。止庵詞辨亦懲時俗昌狂雕琢之習。與董晉卿輩同期復古。意仍張氏。言不苟同。季玉叔父會序而刊之。此卷晚出。抉擇益精。止庵負經濟偉略。復寄情於藝事。進退古人。妙具心得。忠愛之作。尤深流連。宜南樵珍護如是。今南樵亦歸道山。蔭既刊之。南樵可無憾。獨念蔭昔對此卷時。露研風簾。萬花如海。倏忽之間。渺乎莫覯。天時人事。濤奔電驅。固不特故人長逝。爲可傷悼。此卷孤存。固止庵精氣不可磨滅。然什伯寶貴於此者何限。不得謂此非偶脫於灰燼也。止庵復有論調一書。以

婉澀高平四品分之。其選調視紅友所載祇四之一。南樵嘗言之。今不可復見。海內儻有此本。蔭固樂受而觀焉。同治十二年二月。吳縣潘祖蔭。

宋四家詞選目錄序論

周邦彥

晏殊

韓縝

歐陽修

晏幾道

張先

柳永

秦觀

賀鑄

韓元吉

辛棄疾

徐昌圖

韓琦

范仲淹

蘇軾

晁補之

洪皓

姜夔

陸游

陳亮

趙以夫

陳經國

方岳

蔣捷

王沂孫

林逋

毛滂

潘元質

呂本中

康伯可

范成大

史達祖

張炎

黃公紹

練恕可

唐 珏

吳文英

張 昇

趙令時

王安國

蘇 庠

陳 克

嚴 仁

高觀國

陳允平

周 密

王武子

黃孝邁

王夢應

樓 采

無名氏

右宋詞若干首。別爲四家。以周、辛、王、吳爲之冠。序曰：清真集大成者也。稼軒斂雄心，抗高調，變溫婉，成悲涼。碧山饜心切理，言近指遠，聲容調度，一一可循。夢窗奇思壯采，騰天潛淵，返南宋之清泚，爲北宋之穠摯。是爲四家領袖一代。餘子犖犖，以方附庸。夫詞非寄託不入，專寄託不出。一物一事，引而伸之，觸類多通，驅心若游絲之綴飛英，含毫如郢斤之斲蠅翼，以無厚入有間，既習已，意感偶生，假類畢達，閱載千百，譬效弗違，斯入矣。賦情獨深，逐境必寤，醞釀日久，冥發妄中，雖鋪敘平淡，摹

續淺近。而萬感橫集。五中無主。讀其篇者。臨淵窺魚。意爲魴鯉。中宵驚電。罔識東西。赤子隨母笑啼。鄉人緣劇喜怒。抑可謂能出矣。問塗碧山。歷夢窗。稼軒以還。清真之渾化。余所望於世之爲詞人者。蓋如此。論曰。清真渾厚。正於鈎勒處見。他人一鈎勒便刻削。清真愈鈎勒愈渾厚。者。卿鎔情入景。故淡遠。方回鎔景入情。故穠麗。少游最和婉醇正。稍遜清真者。辣耳。少游意在含蓄。如花初胎。故少重筆。然清真沈痛至極。仍能含蓄。子野清出處。生脆處。味極雋永。只是偏才。無大起落。晏氏父子。仍步溫韋。小晏精力尤勝。西麓宗少游。徑平思鈍。鄉愿之亂德也。蘇辛並稱。東坡天趣獨到處。殆成絕詣。而苦不經意。完璧甚少。稼軒則沈著痛快。有轍可循。南宋諸公。無不傳其衣盃。固未可同年而語也。稼軒由北開南。夢窗由南追北。是詞家轉境。韓范諸鉅公。偶一染翰。意盛足舉其文。雖足樹幟。故非專家。若歐公則當行矣。

白石脫胎稼軒。變雄健爲清剛。變馳驟爲疏宕。蓋二公皆極熱中。故氣味吻合。辛寬姜窄。寬故容蕺。窄故門硬。白石號爲宗工。然亦有俗濫

處。揚州慢。淮左名都。竹西佳處。寒酸處。法曲獻仙音。象筆鸞。補湊處。齊天樂。郊諺漫與笑籬落呼燈。

世間兒女。敷衍處。西湖上半闕。支處。湘月。舊家樂事。誰省。複處。竹一尊紅翠藤共閑穿徑。

不可不知。白石小序甚可觀。苦與詞複。若序其緣起。不犯詞境。斯爲

兩美已。竹山有俗骨。然思力沈透處。可以起懦。碧山胸次恬淡。故

黍離麥秀之感。只以唱歎出之。無劍拔弩張習氣。詠物最爭託意。隸

事處以意貫串。渾化無痕。碧山勝場也。詞以思筆爲入門階陞。碧山

思筆可謂雙絕。幽折處大勝白石。惟主角太分明。反復讀之。有水清無

魚之恨。梅谿才思可匹竹山。竹山粗俗。梅溪纖巧。粗俗之病易見。纖

巧之習難除。穎悟子弟。尤易受其熏染。余選梅溪詞。多所割愛。蓋慎之

又慎云。梅溪好用偷字。品格便不高。玉田才本不高。專恃磨礱雕

琢裝頭作脚。處處妥當。後人翕然宗之。然如南浦之賦春水。疏影之賦梅影。逐韻湊成。豪無脈絡。而戶誦不已。真耳食也。其他宅句安章。偶出風致。乍見可喜。深味索然者。悉從沙汰。筆以行意也。不行須換筆。換筆不行。便須換意。玉田惟換筆不換意。皋文不取夢窗。是爲碧山門徑所限耳。夢窗立意高。取徑遠。皆非餘子所及。惟過嗜餽飭。以此被議。若其虛實並到之作。雖清真不過也。竹屋蒲江。並有盛名。蒲江窘促。等諸自鄙。竹屋硜硜。亦凡響耳。草窗鏤冰刻楮。精妙絕倫。但立意不高。取韻不遠。當與玉田抗行。未可方駕王吳也。北宋主樂章。故情景但取當前。無窮高極深之趣。南宋則文人弄筆。彼此爭名。故變化益多。取材益富。然南宋有門徑。有門徑故似深而轉淺。北宋無門徑。無門徑故似易而實難。初學琢得五七字成句。便思高揖晏周。殆不然也。北宋含蓄之妙。逼近溫韋。非點水成冰時。安能脫口卽是。周柳黃晁皆喜。

爲曲中俚語。山谷尤甚。此當時之輒平勾領。原非雅音。若託體近俳。而擇言尤雅。是名本色俊語。又不可抹煞矣。雅俗有辨。生死有辨。眞僞有辨。眞僞尤難辨。稼軒豪邁是真。竹山便僞。碧山恬退是真。姜張皆僞。味在酸鹹之外。未易爲淺嘗人道也。詞筆不外順逆反正。尤妙在複在脫。複處無垂不縮。故脫處如望海上三山。妙發溫韋晏周歐柳推演盡致。南渡諸公。罕復從事矣。東眞韻寬平。支先韻細膩。魚歌韻纏綿。蕭尤韻感慨。各具聲響。莫草草亂用。陽聲字多則沈頓。陰聲字多則激昂。重陽閒一陰。則柔而不靡。重陰閒一陽。則高而不危。韻上一字最要。相發或竟相貼。相其上下而調之。則鏗鏘諧暢矣。紅友極辨上去。是已。上入亦宜辨。入可代去。上不可代去。入之作平者。無論矣。其作上者可代平。作去者。斷不可以代平。平去是兩端。上由平而之去。入由去而之平。上聲韻韻上應用仄字者。去爲妙。去入韻則上爲妙。平聲

韻韻上應用仄字者。去爲妙。入次之。疊則聾牙。鄰則無力。雙聲疊韻字。要著意布置。有宜雙不宜疊。宜疊不宜雙處。重字則既雙且疊。尤宜斟酌。如李易安之淒淒慘慘戚戚三疊韻。六雙聲。是鍛鍊出來。非偶然拈得也。硬字軟字宜相閒。如水龍吟等俳句尤重。領句單字。一調數用。宜令變化。渾成勿相犯。一領四五六字句。上二下三。上三下二句。上三下四。上四下三句。四字平句。五七字渾成句。要合調無痕。重頭疊脚。蜂腰鶴膝。大小韻詩中所忌。皆宜忌之。積字成句。積句成段。最是見筋節處。如金縷曲中第四韻。煞上則妙。領下則減色矣。吞吐之妙。全在換頭煞尾。古人名換頭爲過變。或藕斷絲連。或異軍突起。皆須令讀者耳目振動。方成佳製。換頭多偷聲。須和婉。和婉則句長節短。可容攢簇。煞尾多減字。須峭勁。峭勁則字過音留。可供搖曳。文人卑填詞爲小道。未有以全力注之者。其實專精一二年。便可卓然成家。若厭

難取易。雖畢生馳逐。費烟楮耳。余少嗜此。中更三變。年逾五十。始識康莊。自悼冥行之艱。遂慮問津之誤。不揣輓陋。爲察察言。退蘇進辛。糾彈姜、張、劉、刺、陳、史、芟、夷、盧、高。皆足駭世。由中之誠。豈不或亮。其或不亮。然余誠矣。

道光十有二年冬十一月八日。止庵周濟記於春水懷人之舍。

宋四家詞選

周邦彥

字美成錢塘人

瑞龍吟

章臺路。還見褪粉梅梢。試花桃樹。愔愔坊陌人家。定巢燕子。歸來舊處。暗凝竚。因記箇人癡小。乍窺門戶。侵晨淺約宮黃。障風映袖。盈盈笑語。前度劉郎重到。訪鄰尋里。同時歌舞。唯有舊來秋娘。聲價如故。吟箋賦筆。猶記燕臺句。知誰伴、名園露飲。東城閑步。事與孤鴻去。探春盡、是傷離情緒。官柳低金縷。歸騎晚、纖纖池塘飛雨。斷腸院落。一簾風絮。

蘭陵王 柳

只一句化去町畦
不過桃花人面舊
曲翻新耳看其由
無情入結歸無情
層層脫換筆筆往
復處

客中送客一愁字
代行者設想以下
不辨是情是景但
覺煙靄蒼茫望字
念字尤幻

柳陰直。烟裏絲絲弄碧。隋堤上、曾見幾番。拂水飄綿送行色。登臨望故國。誰識。京華倦客。長亭路、年去歲來，應折柔條過千尺。閑尋舊蹤迹。又酒趁哀絃，燈照離席。梨花榆火催寒食。愁一翦風快，半篙波暖，回頭迢遞便數驛。望人在天北。悽惻。恨堆積。漸別浦縈迴，津埃岑寂。斜陽冉冉春無極。念月榭攜手，露橋聞笛。沈思前事似夢裏，淚暗滴。

鑠窗寒

寒食

暗柳啼鴉，單衣竚立。小簾朱戶。桐陰半畝，靜鑠一庭愁雨。洒空階、更闌未休。故人翦燭西窗語。似楚江暝宿，風燈零亂。少年羈旅。遲暮。嬉游處。正店舍無烟，禁城百五。旗亭喚酒，付與高陽儔侶。想東園、桃李自春。小唇秀靨今在否。到歸時、定有殘英，待客攜尊俎。

此清真荆南作也
胸中猶有塊壘
宋諸公多模仿之
身在荆南所思在
關中故有渭水長
安之句碧山用作
故實

若有意若無意使
人神眩

十三字千迴百折
千鍾百鍊以下如

齊天樂

綠蕪凋盡臺城路。殊鄉又逢秋晚。暮雨生寒。鳴蛩勸織。深
閣時聞裁翦。雲窗靜掩。歎重拂羅袖。頓疎花簞。尚有練囊。
露螢清夜照書卷。荆江留滯最久。故人相望處。離思何
限。渭水西風。長安亂葉。空憶詩情宛轉。凭高眺遠。正玉液
新篘。蟹螯初薦。醉倒山翁。但愁斜照斂。

蘇幕遮

燎沈香。消溽暑。烏雀呼晴。侵曉窺簷語。葉上初陽乾宿雨。
水面清圓。一一風荷舉。故鄉遙。何日去。家住吳門。久作
長安旅。五月漁郎相憶否。小楫輕舟。夢入芙蓉浦。

六醜

薔薇謝後作

正單衣試酒。悵客裏。光陰虛擲。願春暫留。春歸如過翼。一

不說人惜花却說
花戀人不從無花
惜春却從有花惜
春不惜已替之殘
英偏惜欲去之斷
紅

怎奈向宋人語向
作一歸二字解今
語向來也

去無迹。爲問家何在。夜來風雨。葬楚宮傾國。釵鈿墮處遺。
香澤。亂點桃蹊。輕翻柳陌。多情更誰追惜。但蜂媒蝶使。時
叩窗楹。東園岑寂。漸蒙籠暗碧。靜繞珍叢底。成歎息。長
條故惹行客。似牽衣待話。別情無極。殘英小。強簪巾幘。終
不似。一朶釵頭顫。向人欹側。漂流處。莫趁潮汐。恐斷紅。
尚有相思字。何由見得。

大酺

對宿烟收。春禽靜。飛雨時鳴高屋。牆頭青玉旆。洗鉛霜都
盡。嫩梢相觸。潤逼琴絲。寒侵枕障。蟲網吹黏。簾竹。郵亭無
人處。聽簷聲不斷。困眠初熟。奈愁極。頻驚。夢輕難記。自憐
幽獨。行人歸意速。最先念。流潦妨車轂。怎奈向。蘭成蕉
萃。衛玠清羸。等閒時。易傷心目。未怪山陽客。雙淚落。笛中

哀曲。况蕭索、青蕪國。紅糝鋪地。門外荆桃如菽。夜游共誰秉燭。

法曲獻仙音

蟬咽涼柯。燕飛塵幙。漏閣籤聲時度。倦脫綸巾。困便湘竹。桐陰半侵朱戶。向抱影、凝情處。時聞打窗雨。耿無語。歎文園近來多病。情緒懶。尊酒易成間阻。縹緲玉京人。想依然、京兆眉顰。翠幕深中。對徽容、空在紈素。待花前月下。見了不教歸去。

滿庭芳

夏日溧水無想山作

風老鶯雛。雨肥梅子。午陰嘉樹清圓。地卑山近，衣潤費鱸烟。人靜烏鴛自樂。小橋外、新綠濺濺。凭闌久，黃蘆苦竹，擬泛九江船。年年。如社燕，飄流瀚海，來寄修椽。且莫思身

結是本色俊語

體物入微夾入上下文中似褒似貶神味最遠

外長近尊前。蕉萃江南倦客。不堪聽、急管繁絃。歌筵畔、先安枕簟。容我醉時眠。

應天長慢 寒食

生疎
條風布煖。霏霧弄晴。池臺徧滿春色。正是夜堂無月。沈沈暗寒食。梁間燕。前社客。似笑我、閉門愁寂。亂花過、隔苑芸香。滿地狼藉。長記那回時。邂逅相逢。郊外駐油壁。又見漢宮傳燭。飛烟五侯宅。青青草。迷路陌。強載酒、細尋前迹。市橋遠、柳下人家。猶自相識。

木蘭花

本作玉樓春。玉樓春其平起者。但可云春曉曲。惜春容

耳。今標其本名。以息紛解。

桃溪不作從容住。秋藕絕來無續處。當時相候赤欄橋。今日獨尋黃葉路。烟中列岫青無數。雁背夕陽紅欲暮。人

此亦本色佳製也
本色至此便足再
遇一分便入山谷
惡道矣

全是追思却純用
實寫但讀前闕幾
疑是賦也換頭再
爲加倍跌宕之他
人萬萬無此力量

如風後入江雲。情似雨餘沾地絮。

少年游

并刀如水。吳鹽勝雪。纖指破新橙。錦幄初溫。獸香不斷。相對坐調笙。低聲問向誰行宿。城上已三更。馬滑霜濃。不如休去。直是少人行。

拜新月慢

夜色催更。清塵收露。小曲幽坊月暗。竹檻燈窗。識秋娘庭院。笑相遇。似覺瓊枝玉樹相倚。煖日明霞光爛。水盼蘭情。總平生稀見。畫圖中、舊識春風面。誰知道、自到瑤臺畔。眷戀雨潤雲溫。苦驚風吹散。念荒寒、寄宿無人館。重門閉。敗壁秋蟲歎。怎奈向、一縷相思。隔溪山不斷。

尉遲盃

南宋諸公所斷不能到者出之平實故勝

一結拙甚

造語奇險

淡水

隋堤路。漸日晚，密靄生深樹。陰陰淡月籠沙，還宿河橋深處。無情畫舸，都不管、烟波隔前浦。等行人、醉擁重衾，載將離恨歸去。因思舊客京華，長恨傍疏林，小檻歡聚。冶葉倡條俱相識，仍慣見、珠歌翠舞。如今向、漁村水驛，夜如歲，焚香獨自語。有何人，念我無聊，夢魂凝想鴛侶。

菩薩蠻

銀河宛轉三千曲。浴鳧飛鷺澄波綠。何處望歸舟。夕陽江上樓。天憎梅浪發。故下封枝雪。深院卷簾看。應憐江上寒。

關河令

秋陰時作漸向暝。變一庭淒冷。竚聽寒聲，雲深無雁影。更深人去寂靜。但照壁、孤燈相映。酒已都醒。如何消夜永。

過秦樓

水浴清蟾。葉喧涼吹。巷陌雨聲初斷。閒依露井。笑撲流螢。
惹破畫羅輕扇。人靜夜久。凭闌愁不歸眠。立殘更箭。歎年
華一瞬。人今千里。夢沈書遠。空見說、鬢怯瓊梳。容消金
鏡。漸嬾趁時勻染。梅風地溽。梧雨苔滋。一架舞紅都變。誰
信無聊爲伊。才減江淹。情傷荀倩。但明河影下。還看稀星
數點。

氏州第一

波落寒汀。村渡向晚。遙看數點帆小。亂葉翻雅。驚風破雁。
天角孤雲縹緲。官柳蕭疏。甚尙挂、微微殘照。景物關情。川
塗換日。頓來催老。漸解狂朋歡意少。奈猶被、思牽情繞。
座上琴心。機中錦字。覺最縈懷抱。也知人、懸望久。薔薇謝

入此三句意味淡厚

竭力追逼得換頭一句出鈞轉思牽情繞鶴一關皆絕新機杼而結體各

別此輕利彼沈鬱

只閑閑說起

不扶殘醉不見紅
藥之繫情東風之
作惡因而追溯昨
日送客後薄暮入
城訪所攜之伎倦
游飲換頭三句反
透出一醒字驚瀾
以扶殘醉三字點
睛結構精奇金鍼
度盡

清真詞其清婉者

宋四家詞選

歸來一笑欲夢高唐未成眠霜空已曉

瑞鶴仙

悄郊原帶郭。行路永、客去車塵漠漠。斜陽映山落。斂餘紅
猶戀孤城闌角。凌波步弱。過短亭、何用素約。有流鶯勸我
重解繡鞍。緩引春酌。不記歸時早暮。上馬誰扶。醒眠朱
閣。驚飈動幕。扶殘醉、繞紅藥。歎西園已是。花深無地。東風
何事又惡。任流光過却。猶喜洞天自樂。

花犯 梅花

粉牆低。梅花照眼。依然舊風味。露痕輕綴。疑淨洗鉛華。無
限清麗。去年勝賞曾孤倚。冰盤共宴喜。更可惜、雪中高士。
香篝熏素被。今年對花太匆匆。相逢似有恨。依依蕉萃。
凝望久。青苔上、旋看飛墜。相將見、脆圓薦酒。人正在、空江

至此故知建章千
門非一匠所營

空際出力夢窗最
得其訣

三句一氣趕下是
清真長技

鉤勒勁健脂學

烟浪裏。但夢想，一枝瀟灑。黃昏斜照水。

浪淘沙慢

曉陰重。霜凋岸草。霧隱城堞。南陌脂車待發。東門帳飲乍
闕。正拂面、垂楊堪攬結。掩紅淚、玉手親折。念漢浦、離鴻去
何許。經時信音絕。情切。望中地遠天闊。向露冷風清無
人處。耿耿寒漏咽。嗟萬事難忘。唯是輕別。翠尊未竭。憑斷
雲、留取西樓殘月。羅帶光銷紋衾疊。連環解、舊香頓歇。
怨歌永、瓊壺敲盡缺。恨春去、不與人期。弄夜色。空餘滿地
梨花雪。

夜飛鵲

河橋送人處。良夜何其。斜月遠墮餘暉。銅盤燭淚已流盡。
霏霏涼露沾衣。相將散離會處。探風前津鼓。樹杪參旗。花

班草是散會處。爵酒是送人處。二處皆前地也。雙起故須雙結。

此美成在荆南作。當與齊天樂同時。到處歌舞太平。京師尤為絕盛。

向層句應作前結。詞綜誤作起句。不可不用韻。梁間二字。

驄會意。縱揚鞭。亦自行遲。迢遞路迴清野。人語漸無聞。空帶愁歸。何意重經前地。遺鈿不見。斜徑都迷。兔葵燕麥。向斜陽。影與人齊。但徘徊班草。欲獻酌酒。極望天西。

解語花 元宵

風銷燄蠟。露浥洪鑪。花市光相射。桂華流瓦。纖雲散。耿耿素娥欲下。衣裳淡雅。看楚女。纖腰一把。簫鼓喧。人影參差。滿路飄香麝。因念帝城放夜。望千門如畫。嬉笑游冶。鈿車羅帕。相逢處。自有暗塵隨馬。年光是也。惟只見。舊情衰謝。清漏移。飛蓋歸來。從舞休歌罷。

垂絲釣

縷金翠羽。粧成才見眉嫵。倦倚繡簾。看舞風絮。愁幾許。寄鳳絲雁柱。春將暮。向層城苑路。鈿車似水。時時花徑相

此亦是層疊加倍
寫法本只不總單
全一句耳加上前
闕方覺精力彌滿

白描高手

遇舊游伴侶。還到曾來處。門掩風和雨。梁間燕語。問那人在否。

· 夜游宮

葉下斜陽照水。卷輕浪。沈沈千里。橋上酸風射眸子。立多時。看黃昏。燈火市。古屋寒窗底。聽幾片。井桐飛墜。不戀單衾再二起。有誰知。爲蕭娘。書一紙。

感皇恩

小閣倚晴空。數聲鐘定。斗柄寒垂暮天靜。朝來殘酒。又被春風吹醒。眼前猶認得。當時景。往事舊歡。不堪重省。自歎多愁更多病。綺窗依舊。敲徧闌干誰應。斷腸明月下。梅搖影。

周邦彥下附錄

清平樂

晏殊同叔

金風細細。葉葉梧桐墜。綠酒初嘗人易醉。一枕小窗濃睡。
紫薇朱槿初殘。斜陽恰照闌干。雙燕欲歸時節。銀屏昨夜微寒。

踏莎行

小徑紅稀。芳郊綠徧。高臺樹色陰陰見。春風不解禁楊花。
濛濛亂撲行人面。翠葉藏鶯。珠簾隔燕。鱸香靜逐游絲轉。
一場愁夢酒醒時。斜陽却照深深院。

蝶戀花

檻菊愁烟蘭泣露。羅幙輕寒。燕子雙飛去。明月不諳離別苦。
斜光到曉穿朱戶。昨夜西風凋碧樹。獨上高樓。望盡天涯路。
欲寄彩鸞無尺素。山長水闊知何處。

相思兒令

昨日探春消息。湖上綠波平。無奈繞隄芳草。還向舊痕生。
有酒且醉瑤觥。更何妨。檀板新聲。誰教楊柳千絲。就中
牽繫人情。

鳳簫吟

韓 縝 玉汝

鎖離愁。連綿無際。來時陌上初熏。繡幃人念遠。暗垂珠露
泣送征輪。長行長在眼。更重重、遠水孤雲。但望極樓高。盡
日目斷王孫。消魂。池塘別後。曾行處綠妬輕裙。恁時攜
素手。亂花飛絮裏。緩步香茵。朱顏空自改。向年年、芳意長
新。遍綠野、嬉游醉眼。莫負青春。

采桑子

歐陽修 永叔

羣芳過後西湖好。狼藉殘紅。飛絮濛濛。垂柳闌干盡日風。

笙歌散盡游人去。始覺春空。垂下簾櫳。雙燕歸來細雨中。

踏莎行

候館梅殘。溪橋柳細。草熏風煖搖征轡。離愁漸遠漸無窮。迢迢不斷如春水。寸寸柔腸。盈盈粉淚。樓高莫近危闌倚。平蕪盡處是春山。行人更在春山外。

蝶戀花

越女采蓮秋水畔。窄袖輕羅。暗露雙金釧。照影摘花花似面。芳心只共絲爭亂。鷓鴣灘頭風浪晚。霧重烟輕。不見來時伴。隱隱歌聲歸棹遠。離愁引著江南岸。

六曲闌干偎碧樹。楊柳風輕。展盡黃金縷。誰把鈿箏移玉柱。穿簾燕子雙飛去。滿眼游絲兼落絮。紅杏開時。一霎

清明雨。濃睡覺來鶯乳語。驚殘好夢無尋處。一作反下三闋。

詞按馮詞多與歐公相亂此實公詞也。

誰道閒情拋棄久。每到春來。惆悵還依舊。日日花前常病酒。不辭病裏朱顏瘦。何畔青蕪堤上柳。為問新愁。何事年年有。獨立小橋風滿袖。平林新月人歸後。

幾日行雲何處去。忘却歸來。不道春將暮。百草千花寒食路。香車繫在誰家樹。淚眼倚樓頻獨語。雙燕來時。陌上相逢否。掩亂春愁如柳絮。依依夢裏無尋處。

庭院深深深幾許。楊柳堆烟。簾幕無重數。玉勒雕鞍游冶處。樓高不見章臺路。雨橫風狂三月暮。門掩黃昏。無計留春住。淚眼問花花不語。亂紅飛過秋千去。

少年游 草

數詞纏綿忠篤其
文甚明非歐公不
能作延己小入繼
欲偽為君子以惑
其主豈能有此至
性語乎

闌干十二獨凭春。晴碧遠連雲。千里萬里，二月三月，行色苦愁人。謝家池上，江淹浦畔，吟魄與離魂。那堪疎雨滴黃昏。更特地憶王孫。

臨江仙

柳外輕雷池上雨。雨聲滴碎荷聲。小樓西角斷虹明。闌干倚處，待得月華生。燕子飛來窺華棟。玉鉤垂下簾旌。涼波不動簟紋平。水精雙枕，旁有墮釵橫。

臨江仙

晏幾道 叔原

夢後樓臺高鎖。酒醒簾幕低垂。去年春恨却來時。落花人獨立。微雨燕雙飛。記得小蘋初見。兩重心字羅衣。琵琶絃上說相思。當時明月在。曾照彩雲歸。

點絳脣

裝席相逢。旋勻紅淚。歌金縷。意中曾許。欲共吹花去。長
愛荷香。柳色殷橋路。留人住。淡烟微雨。好箇雙棲處。

生查子

金鞍美少年。去躍青驄馬。縈繫玉樓人。綉被春寒夜。消
息未歸來。寒食梨花謝。無處說相思。背面秋千下。

采桑子

秋千散後。朦朧月滿院。幾處雕闌。一夜風吹杏粉殘。
昭陽殿裏春衣就。金縷初乾。莫信朝寒。明日花前試舞
看。

六么令

雪殘風信。悠颺春消息。天涯倚樓新恨。楊柳幾絲碧。還是
南雲雁少。錦字無端的。寶釵瑤席。彩絃聲裏。拚作尊前未

歸客。遙想疏梅此際。月底香英坼。別後誰繞前溪。手揀繁枝摘。莫道傷高恨遠。付與臨風笛。儘堪愁寂。花時往事。更有多情箇人憶。

綠陰春盡。飛絮繞香閣。晚來翠眉宮樣。巧把遠山學。一寸狂心未說。已向橫波覺。畫簾遮市。新翻曲妙。暗許閒人帶偷搯。前度書多隱語。意淺愁難答。昨夜詩有迴文韻險。還慵押。都待笙歌散了。記取來時霎。不消紅蠟。閒雲歸後。月在庭花舊闌角。

清平樂

留人不住。醉解蘭舟去。一棹碧濤春水路。過盡曉鶯啼處。渡頭楊柳青青。枝枝葉葉離情。此後錦書休寄。畫樓雲雨無憑。

木蘭花

秋千院落重簾暮。彩筆閒來題繡戶。牆頭丹杏雨餘花。門外綠楊風後絮。朝陽信斷知何處。應作襄王春夢去。紫騮認得舊游踪。嘶過畫樓東畔路。

碧牡丹

翠袖疏紈扇。涼葉催歸燕。一夜西風。幾處傷高懷遠。細菊枝頭。開嫩香還徧。月痕依舊庭院。事何限。悵望秋意晚。離人鬢華將換。靜憶天涯。路比此情還短。試約鸞箋。傳素期良願。南雲應有新雁。

蝶戀花

醉別西樓醒不記。春夢秋雲。聚散真容易。斜月半窗還少睡。畫屏閒展吳山翠。衣上酒痕詩裏字。點點行行。總是

淒涼意。紅燭自憐無好計。夜寒空替人垂淚。

卜算子慢

張先子野

溪山別意。烟樹去程。日落采蘋春晚。欲上征鞍。更掩翠簾
回面。相盼。惜彎彎。淺黛長長眼。奈畫閣歡游也學。狂花亂
絮輕散。水影橫池館。對靜夜無人。月高雲遠。一晌凝思。
兩眼淚痕還滿。難遣。恨私書又逐東風斷。縱夢澤層樓萬
尺。望湖城那見。

醉垂鞭

雙蝶繡羅裙。東池宴。初相見。朱粉不深勻。閒花淡淡春。
細看諸處好。人道是。柳腰身。昨日亂山昏。來時衣上雲。

山亭燕

有美堂贈彥獻主人

宴堂永晝喧簫鼓。倚青空。畫闌紅柱。玉瑩紫微人。藹和氣。

春融日煦。故宮池館更樓臺。約風月。今宵何處。湖水動鮮衣。競拾翠。湖邊路。落花蕩漾。怨空樹。曉山靜。數聲杜宇。天意送芳菲。正黯淡。疏烟短雨。新歡寧似舊歡長。此會散。幾時還聚。試爲挹飛雲。問解相思否。

踏莎行

衾鳳猶溫。籠鸚尙睡。宿裝稀淡眉成字。映花避月上迴廊。珠裙摺摺輕垂地。翠幙成波。新荷貼水。紛紛烟絮低還起。重牆繞院更重門。春風無路通深意。

青門引

乍暖還輕冷。風雨晚來方定。庭軒寂莫近清明。殘花中酒。又是去年病。樓頭畫角風吹醒。入夜重門靜。那堪更被明月。隔牆送過秋千影。

柳詞總以平敘見
長或發端或結尾
或換頭以一二語
句勒提撮有千鈞
之力

清真詞多從耆卿
奪胎思力沈摯處
往往出藍然者卿
秀淡幽豔是不可
及後人據其樂章
譽為俗筆真警說
也

門百花

柳 永 耆卿

煦色韶光明媚。叶借輕靄低籠芳樹。池塘淺蘸烟蕪。簾幕閒垂風絮。春困慳慳。拋擲門草工夫。冷落躡青心緒。終日
扃朱戶。遠恨絲絲。淑景遲遲難度。年少傅粉。依前醉眠何處。深院無人。黃昏乍拆秋千。空鎖滿庭花雨。

雨零鈴

寒蟬淒切。對長亭晚。驟雨初歇。都門帳飲無緒。方留戀處。蘭舟催發。執手相看淚眼。竟無語凝咽。念去去千里烟波。暮靄沈沈楚天闊。多情自古傷離別。更那堪冷落清秋節。今宵酒醒何處。楊柳岸曉風殘月。此去經年。應是良辰好景虛設。便總有千種風情。更與何人說。

傾盃樂

依調損字當屬下
依詞損字當屬上
此類甚多後不更
舉

後闕一氣轉注聯
翻而下清真最得
此妙

木落霜洲。雁橫烟渚。分明畫出秋色。暮雨乍歇。小楫夜泊。宿葦村山驛。何人月下臨風處。起一聲羌笛。離愁萬緒。聞岸艸、切切蛩吟如織。爲憶芳容別後。水遙山遠。何計憑鱗翼。想繡閣深沈。爭知憔悴。損天涯行客。楚峽雲歸。高唐人散。寂莫狂蹤迹。望京國。空目斷、遠峰凝碧。

卜算子慢

江楓漸老。汀蕙半凋。滿目敗紅衰翠。楚客登臨。正是莫秋天氣。引疏砧、斷續殘陽裏。對晚景、傷懷念遠。舊愁新恨相繼。脈脈人千里。念兩處、風情萬重烟水。雨歇天高。望斷翠峰十二。儘無言、誰會凭高意。縱寫得、離腸萬種。奈歸鴻誰寄。

玉蝴蝶

望處雨收雲斷。凭欄悄悄。目送秋光。晚景蕭疏。堪動宋玉
悲涼。水風輕、蘋花漸老。月露冷、梧葉飄黃。遣情傷。故人何
在。烟水茫茫。難忘。文期酒會。幾辜風月。屢變星霜。海闊
天遙。未知何處是瀟湘。念雙燕、難憑遠信。指暮天空識歸
航。黯相望。斷鴻聲裏。立盡斜陽。

八聲甘州

對瀟瀟暮雨灑江天。一番洗清秋。漸霜風淒緊。關河冷落。
殘照當樓。是處紅衰綠減。冉冉物華休。惟有長江水。無語
東流。不忍登高臨遠。望故鄉渺渺。歸思難收。數年來蹤
迹。何事苦淹留。想佳人、裝樓長望。誤幾回、天際識歸舟。爭
知我、倚闌干處。正凭凝愁。

安公子

後闌音節態度絕
類拜新月慢清真
夜色催更一闌全
較更跌宕出來特

本闌結句似在意
字逗

遠岸收殘雨。雨殘稍覺江天暮。拾翠汀洲人寂靜。立雙雙
鷗鷺。望幾點、漁燈掩映蒹葭浦。停畫橈、兩兩舟人語。道去
程今夜、遙指前村烟樹。游宦成羈旅。短檣吟倚閒凝竚。
萬水千山、迷遠近、想鄉關何處。自別後、風亭月榭孤歡聚。
剛斷腸、惹得離情苦。聽杜宇聲聲、勸人不如歸去。

雪梅香

景蕭索。危樓獨立面晴空。動悲秋情緒。當時宋玉應同。漁
市孤烟裊寒碧。水村殘葉舞愁紅。楚天闊、浪浸斜陽，千里
溶溶。臨風想佳麗、別後愁顏、鎮斂眉峰。可惜當年、頓乖
雨迹雲蹤。雅態妍姿正歡洽。落花流水忽西東。無慘恨、相
思意盡、分付征鴻。

西平樂

盡日憑高寓目。脈脈春情緒。嘉景清明漸近。時節輕寒乍暖。天氣才晴又雨。烟光澹宕。裝點平蕪烟樹。黯凝竚。臺榭好。鶯燕語。正是和風麗日。幾許繁紅嫩綠。雅稱嬉游去。奈阻隔。尋芳伴侶。秦樓鳳吹。楚臺雲約。空悵望。在何處。寂寞韶光暗度。可堪向晚。村落聲聲杜宇。

木蘭花慢

清明

拆桐花爛熳。乍疏雨。洗清明。正豔杏燒林。緗桃繡野。芳景如屏。傾城。盡尋勝賞。驟雕鞍。紺幘出郊坰。風煖繁絃脆管。萬家競奏新聲。盈盈。門草踏青人。豔冶遞逢迎。向路旁往往。遺簪墮珥。珠翠縱橫。歡情對佳麗地。任金壘。罄竭玉山傾。拚却明朝永日。畫堂一枕春醒。

滿庭芳

秦

觀

少游

一結大勝忍把浮名換了淺斟低唱

將身世之感打并
入盤情又是一法

君子因小人而斥

一筆挽轉

應首句不忘君也

山抹微雲。天粘衰草。畫角聲斷譙門。暫停征棹，聊共引離尊。多少蓬萊舊事。空回首、烟靄紛紛。斜陽外，寒鴉數點，流水繞孤村。消魂。當此際、香囊暗解，羅帶輕分。漫贏得青樓薄倖名存。此去何時見也。襟袖上空染啼痕。傷情處，高城望斷，燈火已黃昏。

晚色雲開。春隨人意。驟雨方過還晴。高臺芳樹，飛燕蹴紅英。舞困榆錢自落。秋千外、綠水橋平。東風裏，朱門映柳，低按小秦箏。多情。行樂處，珠鉤翠蓋，玉轡紅纓。漸酒空金榼。花困蓬瀛。豆蔻梢頭舊恨，十年夢、屈指堪驚。凭闌久，疎烟淡日，寂莫下蕪城。

望海潮

洛陽懷古

梅英疎淡。冰澌溶洩。東風暗換年華。金谷俊游。銅駝巷陌。

兩兩相形以整見
動以兩到字作眼
點出換字精神

宋四家詞選

三〇

新晴細履平沙。長記誤隨車。正絮翻蝶舞。芳思交加。柳下
挑蹊。亂分春色到人家。西園夜飲鳴笳。有華燈礙月。飛
蓋妨花。蘭苑未空。行人漸老。重來事事堪嗟。烟暝酒旗斜。
但倚樓極目。時見棲鴉。無奈歸心。暗隨流水到天涯。

浣溪紗

漠漠輕寒上小樓。曉陰無賴似窮秋。淡烟流水畫屏幽。
自在飛花輕似夢。無邊絲雨細如愁。寶簾閑挂小銀鉤。

阮郎歸

滿天風雨破寒初。燈殘庭院虛。麗譙吹徹小單于。迢迢清
夜徂。鄉夢斷。旅情孤。崢嶸歲又除。衡陽猶有雁傳書。柳
陽和雁無。

好事近

夢中作

襲括一生結語遂
作滕州之識
造語奇警不似少
游尋常手筆

春路雨添花。花動一山春色。行到小橋深處。有黃鸝千百。
飛雲當面化龍蛇。天矯轉空碧。醉臥古藤陰下。了不知
南北。

踏莎行 邠州旅舍

霧失樓臺。月迷津渡。桃源望斷無尋處。可堪孤館閉春寒。
杜鵑聲裏斜陽暮。驛寄梅花。魚傳尺素。砌成此恨無重
數。郴江幸自遶郴山。爲誰流下瀟湘去。

八六子

倚危亭。恨如芳草。萋萋剗盡還生。念柳外青驄別後。水邊
紅袂分時。愴然暗驚。無端天與娉婷。夜月一簾幽夢。春
風十里柔情。怎奈何。歡娛漸隨流水。素弦聲斷。翠綃香減。
那堪片片飛花弄晚。濛濛殘雨籠晴。正銷凝。黃鸝又啼數

神來之作

聲。

金明池

瓊苑金池。青門紫陌。似雪楊花滿路。雲日淡，天低晝永。過
三點兩點細雨。好花枝，半出牆頭。似悵望，芳草王孫何處。

作平作平

更水繞人家。橋當門巷。燕燕鶯鶯飛舞。怎得東君長爲

主。把綠鬢朱顏。一時留住。佳人唱，金衣莫惜。才子倒，玉山
休訴。况春來，倍覺傷心。念故國情多。新年愁苦。縱寶馬嘶
風。紅塵拂面。也只尋常歸去。

水龍吟

小樓連苑橫空。下窺繡轂雕鞍驟。疏簾半卷。單衣初試。清
明時候。破暖輕風。弄晴微雨。欲無還有。賣花聲過盡。垂楊
院落。紅成陣。飛鴛鴦。玉珮丁東別後。悵佳期，參差難又。

此詞最明快得結
語神味便速

者。卿於寫景中見
情故淡遠。方回於
言情中布景。故穠
至

名疆利鎖。天還知道。和天也瘦。花下重門。柳邊深巷。不堪
回首。念多情。但有當時皓月。照人依舊。

薄倖

賀鑄 方回

淡妝多態。更滴滴。頻迴盼。便認得。琴心先許。欲縮合歡
雙帶。記畫堂。風月逢迎。輕颺淺笑。嬌無奈。向睡鴨爐邊。翔
鴛屏裏。羞把香羅暗解。自過了。燒燈後。都不是。踏青挑
菜。幾回憑雙燕。丁寧深意。往來却恨重簾礙。約何時再。正
春濃。酒困人閒。晝永無聊賴。厭厭睡起。猶有花梢日在。

青玉案

凌波不過橫塘路。但目送、芳塵去。錦瑟年華誰與度。月臺
花榭。瑣窗朱戶。惟有春知處。碧雲冉冉蘅皋暮。彩筆新
隨斷腸句。試問閑愁深幾許。一川烟草。滿城風絮。梅子黃

時雨。

柳色黃

薄雨催寒。斜照弄晴。春意空闊。長亭柳色纔黃。遠客一枝
先折。烟橫水際。映帶幾點歸鴉。東風消盡龍沙雪。還記出
門時。恰而今時節。將發。畫樓芳酒。紅淚清歌。頓成輕別。
已是經年。杳杳音塵都絕。欲知方寸。共有幾許清愁。芭蕉
不展丁香結。枉望斷天涯。兩厭厭風月。

清平樂

小桃初謝。雙燕還來也。記得年時寒食下。紫陌青門游冶。
楚城滿日春華。可堪游子思家。惟有夜來歸夢。不知身
在天涯。

望湘人

厭鶯聲到枕。花氣動簾。醉魂愁夢相半。被惜餘熏。帶鶯剩
眼。幾許傷春春晚。淚竹痕鮮。佩蘭香老。湘天濃暖。記小江、
風月佳時。屢約非烟游伴。須信鸞絃易斷。奈雲和再鼓。
曲終人遠。認羅襪無蹤。舊處弄波清淺。青翰掉樣。白蘋洲
畔。儘目臨臯飛觀。不解寄、一字相思。幸有歸來雙燕。

踏莎行

急雨收春。斜風約水。浮江漲綠魚文起。年年游子惜餘春。
春歸不解招游子。留恨城隅。關情紙尾。闌干長對西曠
倚。鴛鴦俱是白頭時。江南渭北三千里。

感皇恩

蘭芷滿汀洲。游絲橫路。羅鞵塵生步。迴顧。整鬟顰黛。脈脈
多情難訴。細風吹柳絮。人南渡。回首舊游。山無重數。花

底深朱戶何處。半黃梅子。向晚一簾疏雨。斷魂分付與春歸去。

六州歌頭

韓元吉 无咎

東風著意。先上小桃枝。紅粉膩。嬌如醉。倚朱扉。記年時。隱映新裝面。臨水岸。春將半。雲日煖。斜陽轉。夾城西。草軟沙平。驟馬垂楊渡。玉勒爭嘶。認蛾眉。凝笑臉。薄拂胭脂。繡戶曾窺。恨依依。昔攜手處。香如霧。紅隨步。怨春遲。消瘦損。憑誰問。只花知。淚空垂。舊日堂前燕。和烟雨。又雙飛。人自老。春長好。夢佳期。前度劉郎。幾許風流地。也自應悲。但茫茫暮靄。日斷武陵谿。往事難追。

辛棄疾

字幼安 歷城人

青玉案

元夕

東風夜放花千樹。更吹隕星如雨。寶馬雕車香滿路。鳳簫聲動。玉壺光轉。一夜魚龍舞。蛾兒雪柳黃金縷。笑語盈盈暗香去。衆裏尋他千百度。驀然回首。那人却在。燈火闌珊處。

踏莎行

中秋後二夕。帶湖篆岡小酌。

夜月樓臺。秋香院宇。笑吟吟地人來去。是誰秋到便淒涼。當年宋玉悲如許。隨分盃盤。等閒歌舞。問他有甚堪悲處。思量却也有悲時。重陽節近多風雨。

念奴嬌

書東流卮壁

野塘花落。又匆匆過了。清明時節。剗地東風欺客夢。一枕

雲屏寒怯。曲岸持觴。垂楊繫馬。此地曾經別。樓空人去。舊
游飛燕能說。聞道綺陌東頭。行人曾見。簾底纖纖月。舊
恨春江流不盡。新恨雲山千疊。料得明朝。尊前重見。鏡裏
花難折。也應驚問。近來多少華髮。

破陣子

爲陳同甫賦。壯詩以寄之。

醉裏挑燈看劍。夢回吹角連營。八百里分麾下炙。五十絃
翻塞外聲。沙場秋點兵。馬作的盧飛快。弓如霹靂弦驚。
了却君王天下事。贏得生前身後名。可憐白髮生。

滿江紅

家住江南。又過了、清明寒食。花徑裏、一番風雨。一番狼藉。
紅粉暗隨流水去。園林漸覺清陰密。算年年、落盡刺桐花。
寒無力。庭院靜。空相憶。無處說。閒愁極。怕流鶯乳燕。得

知消息。尺素如今何處也。綠雲依舊無蹤跡。漫教人、羞去上層樓。平蕪碧。

敲碎離愁。紗窗外、風搖翠竹。人去後、吹簫聲斷。倚樓人獨。滿眼不堪三月暮。舉頭已覺千山綠。但試把、一紙寄來書。從頭讀。相思字、空盈幅。相思意、何時足。滴羅襟、點點淚珠盈。芳草不迷行客路。垂楊只礙離人目。最苦是、立盡月黃昏。闌干曲。

滿江紅

江行。簡楊濟翁。周顯先。

過眼溪山。怪都是、舊時曾識。還記得、夢中行徧。江南江北。佳處徑須攜杖去。能消幾兩平生屐。笑塵勞、三十九年非。長爲客。吳楚地、東南坼。英雄事、曹劉敵。被西風吹盡了無塵迹。樓觀甫成人已去。旌旗未卷頭先白。歎人生、哀樂

轉相尋。今猶昔。

水調歌頭

舟次揚州。和楊濟翁。周顯先韻。

落日塞塵起。虜馬獵清秋。漢家組練十萬。列艦聳層樓。誰道投鞭飛渡。憶昔鏘鳴血汚。風雨佛狸愁。季子正年少。匹馬黑貂裘。今老矣。搔白首。過揚州。倦游欲去。江上手種橘千頭。二客東南名勝。萬卷詩書事業。嘗試與君謀。莫射南山虎。直覓富平侯。

賀新郎

別茂嘉十二弟

綠樹聽啼鳩。更那堪、杜鵑聲住。鷓鴣聲切。啼到春歸無啼處。苦恨芳菲都歇。算未抵、人間離別。馬上琵琶關塞黑。更長門、翠輦辭金闕。看燕燕、送歸妾。將軍百戰身名裂。向河梁、回頭萬里。故人長絕。易水蕭蕭西風冷。滿座衣冠似

北都舊恨

南渡新恨

雪。正壯士、悲歌未徹。啼鳥還知如許恨。料不啼、清淚長啼
血。誰伴我、醉明月。

賀新郎 賦琵琶

鳳尾龍香撥。自開元、霓裳曲罷。幾番風月。最苦潯陽江頭
客。畫舸亭亭待發。記出塞、黃雲堆雪。馬上離愁三萬里。望
昭陽、宮殿孤鴻沒。弦解語、恨難說。遼陽驛使音塵絕。瑣
窗寒、輕攏慢撚。淚珠盈睫。推手含情還却手。一抹涼州哀
徹。千古事、雲飛烟滅。賀老定場無消息。想沈香、亭北繁華
歇。彈到此、爲嗚咽。

木蘭花慢

滁州送花倅

老來情味減。對別酒、怯流年。况屈指中秋，十分好月，不照
人圓。無情。水都不管。共西風、只管送歸船。秋晚尊鱸江上。

請逐正人以致離

晏安江花不復北

夜深兒女燈前。征衫便好去朝天。玉殿正思賢。想夜半承明留教視草，卻遣籌邊。長安故人問我，道愁腸、殢酒只依然。目斷秋霄落雁，醉來時響空弦。

摸魚兒

淳熙己亥，自湖北漕移湖南，同官王正之置酒小山亭賦。

更能消、幾番風雨。匆匆春又歸去。惜春長怕花開早，何況落紅無數。春且住。見說道、天涯芳草無歸路。怨春不語。算只有殷勤，畫檐蛛網，盡日惹飛絮。長門事，準擬佳期又誤。蛾眉曾有人妬。千金縱買相如賦，脈脈此情誰訴。君莫舞。君不見，玉環飛燕皆塵土。閒愁最苦。休去倚危闌，斜陽正在，烟柳斷腸處。

太常引

建康中秋夜，爲呂潛叔賦。

一輪秋影轉金波。飛鏡又重磨。把酒問姮娥。被白髮、欺人

所指甚多不止秦
檜一人而已

欲挾浮雲必須長
劍長劍不可得出
安得不恨魚龍

奈何。乘風好去。長安萬里。直下看山河。斫去桂婆娑。人
道是、清光更多。

水龍吟 過南澗雙谿樓

舉頭西北浮雲。倚天萬里須長劍。人言此地。夜深長見。斗
牛光燄。我覺山高。潭空水冷。月明星淡。待然犀下看。凭闌
却怕。風雷怒。魚龍慘。峽束滄江對起。過危樓。欲飛還斂。
元龍老矣。不妨高臥。冰壺涼簟。千古興亡。百年悲笑。一時
登覽。問何人。又卸片帆沙岸。繫斜陽鏡。

水龍吟

楚天千里清秋。水隨天去。秋無際。遙岑遠目。獻愁供恨。玉
簪螺結。落日樓頭。斷鴻聲裏。江南游子。把吳鉤看了。闌干
拍遍。無人會。登臨意。休說鱸魚堪膾。儘西風。季鷹歸未。

求田問舍。怕應羞見。劉郎才氣。可惜流年。憂愁風雨。樹猶如此。倩何人喚取。紅巾翠袖。搵英雄淚。

永遇樂

京口北固亭懷古

千古江山。英雄無覓。孫仲謀處。舞榭歌臺。風流總被。雨打風吹去。斜陽草樹。尋常巷陌。人道寄奴曾住。想當年。金戈鐵馬。氣吞萬里如虎。元嘉草草。封狼居胥。贏得倉皇北顧。四十三年。望中猶記。燈火揚州路。可堪回首。佛狸祠下。一片神鴉社鼓。憑誰問。廉頗老矣。尙能飯否。

漢宮春

立春

春已歸來。看美人頭上。裊裊春幡。無端風雨。未肯收盡餘寒。年時燕子。料今宵、夢到西園。渾未辨。黃柑薦酒。更傳青韭堆盤。却笑東風從此。便熏梅染柳。更沒些閑。閑時又

有英主則可以隆
中興此是正說英
主必起於草澤此
是反說

此繼世圖功前車如

春幡九字情景已
極不堪燕子猶記
年時好夢黃柑青
韭極寫燕安醜毒
換頭又提動黨禍
結用雁與燕激射
却稍帶五國城舊

恨辛詞之怨未有甚於此者

來鏡裏。轉變朱顏。清愁不斷。問何人、會解連環。生怕見、花
開花落。朝來塞雁先還。

新荷葉

和趙德莊韻

人已歸來。杜鵑欲勸誰歸。綠樹如雲。等閑付與鶯飛。兔葵
燕麥。問劉郎、幾度沾衣。翠屏幽夢。覺來水繞山圍。有酒
重攜。小園隨意芳菲。往日繁華。而今物是人非。春風半面。
記當年、初識崔徽。南雲雁少。錦書無箇因依。

蝶戀花

元日立春

誰向椒盤簪彩勝。整整韶華。爭上春風鬢。往日不堪重記
省。爲花常抱新春恨。春未來時先借問。晚恨開遲。早又
飄零近。今歲花期消息定。只愁風雨無憑準。

然則依舊不定也

清平樂

獨宿博山王氏菴

繞床飢鼠。蝙蝠翻燈舞。屋上松風吹急雨。破紙窗閒自語。
平生塞北江南。歸來華髮蒼顏。布被秋宵夢覺。眼前萬
里江山。

菩薩蠻

書江西造口壁

鬱孤臺下清江水。中間多少行人淚。西北是長安。可憐無
數山。青山遮不住。畢竟東流去。江晚正愁余。山深聞鷓
鴒。

浪淘沙

山寺夜作

身世酒盃中。萬事皆空。古來三五箇英雄。雨打風吹何處
是。漢殿秦宮。夢入少年叢。歌舞匆匆。老僧夜半誤鳴鐘。
驚起西窗眠不得。卷地西風。

定風波

暮春漫興

少日春懷似酒濃。畱花走馬醉千鍾。老來逢春如病酒。唯有茶甌香篆小熏籠。卷盡殘花風未定。休恨。花開原自要春風。試問春歸誰得見。飛燕。來時相遇夕陽中。

鷓鴣天

鴛湖歸·病起作

枕散溪堂冷欲秋。斷雲依水晚來收。紅蓮相倚深如怨。白鳥無言定是愁。書咄咄。且休休。一邱一壑也風流。不知筋力衰多少。但覺新來嬾上樓。

辛棄疾下附錄

臨江仙

徐昌圖

飲散離亭西去。浮生長恨飄蓬。回頭烟柳漸重重。淡雲孤雁遠。寒日暮天紅。今夜畫船何處。潮平淮月朦朧。酒醒人靜奈愁濃。殘燈孤枕夢。輕浪五更風。

點絳脣

韓琦稚圭

病起懨懨。庭前花影添蕉萃。亂紅飄砌。滴盡珍珠淚。惆悵前春。誰向花前醉。愁無際。武陵凝睇。人遠波空翠。

蘇幕遮

范仲淹希文

碧雲天。紅葉地。秋色連波。波上寒烟翠。山映斜陽天接水。芳草無情。更在斜陽外。黯鄉魂。追旅意。夜夜除非。好夢留人睡。明月樓高休獨倚。酒入愁腸。化作相思淚。

御街行

紛紛墮葉飄香砌。夜寂靜、寒聲碎。珍珠簾卷玉樓空。天淡銀河垂地。年年今夜。月華如練。長是人千里。愁腸已斷無由醉。酒未到、先成淚。殘燈明滅枕頭欹。諳盡孤眠況味。都來此事。眉間心上。無計相迴避。

漁家傲

塞下秋來風景異。衡陽雁去無留意。四面邊聲連角起。千嶂裏。長烟落日孤城閉。濁酒一盃家萬里。燕然未勒歸無計。羌管悠悠霜滿地。人不寐。將軍白髮征夫淚。

賀新涼

蘇軾 子瞻

乳燕飛華屋。悄無人、槐陰轉午。晚涼新浴。手弄生綃白團扇。扇手一時似玉。漸困倚、孤眠清熟。簾外誰來推繡戶。枉教人、夢斷瑤臺曲。又却是、風敲竹。石榴半吐紅巾蹙。待浮花、浪蕊都盡。伴君幽獨。穠豔一枝細看取。芳意千重似束。又恐被、秋風驚綠。若待得君來向此。怕花前對酒不忍觸。共粉淚、兩簌簌。

水龍吟 和章質夫楊花韻

似花還似非花也。無人惜。從教墜。拋家傍路。思量卻似。無情有思。縈損柔腸。困酣嬌眼。欲開還閉。夢隨風萬里。尋郎去處。又還被鶯呼起。不恨此花飛盡。恨西園。落紅難綴。曉來雨過。遺蹤何在。一池萍碎。春色三分。二分塵土。一分流水。細看來。不是楊花。點點是離人淚。

卜算子 雁

缺月挂疎桐。漏斷人初靜。時見幽人獨往來。縹緲孤鴻影。驚起卻回頭。有恨無人省。揀盡寒枝不肯栖。寂莫沙洲冷。

臨江仙 信州作

晁補之 无咎

謫宦江城無屋買。殘僧野老相依。松間藥臼竹間衣。水窮行到處。雲起坐看時。一箇幽禽緣底事。苦來醉耳邊啼。

月斜西院愈聲悲。青山無限好，猶道不如歸。

憶少年

無窮官柳，無情畫舸，無根行客。南山尚相送，只高城人隔。罨畫園林溪紺碧。算重來、盡成陳迹。劉郎髯如此，況桃花顏色。

滿庭芳

赴信日舟中別次膺十二叔

鷗起蘋中，魚驚荷底，畫船天上來時。翠灣紅渚，宛似武陵迷。更晚青山更好，孤雲帶、遠雨絲垂。清歌裏，金尊未掩，誰使動分攜。竹林高晉阮，阿咸蕭散，猶媿風期。便棄官終隱，釣叟苔磯。縱是冥鴻雲外，應念我、垂翼低飛。新詞好，他年認取，天際片帆歸。

迷神引

貶玉溪對江山作

黯黯青山紅日暮。浩浩大江東注。餘霞散綺。回向烟波路。使人愁。長安遠。在何處。幾點漁燈小。迷近隴。一片客帆低。傍前浦。暗想平生。自悔儒冠誤。覺阮途窮。歸心阻。斷魂縈目。一千里。傷平楚。怪竹枝歌聲聲怨。爲誰苦。猿鳥一時啼。驚島嶼。燭暗不成眠。聽津鼓。

江梅引

洪皓光弼

天涯除館憶江梅。幾枝開。使南來。還帶餘杭春信到燕臺。準擬寒英聊慰遠。隔山水。應銷落。平作赴愬誰。空恁遐想笑摘蕊。斷回腸。思故里。漫彈綠綺。引三弄。不覺魂飛。更聽胡笳哀怨。淚沾衣。亂插繁華。須異日。待孤颿。怕東風一夜吹。

盛時如此
衰時如此

想其盛時
感其衰時

古城陰。有官梅幾許。紅萼未宜簪。池面冰膠。牆腰雪老。雲
意還又沈沈。翠藤共、閑穿逕竹。漸笑語、驚起臥沙禽。野老
林泉。故王臺榭。呼喚登臨。南去北來何事。蕩湘雲、楚水。
目極傷心。朱戶黏雞。金盤簇燕。空歎時序侵尋。記曾共、西
樓雅集。想垂柳、還裊萬絲金。待得歸鞍到時。只怕春深。

暗香 石湖詠梅

舊時月色。算幾番照我。梅邊吹笛。喚起玉人。不管清寒與
攀摘。何遜而今漸老。都忘却、春風詞筆。但怪得、竹外疏花。
香冷入瑤席。江國。正寂寂。歎寄與路遙。夜雪初積。翠尊
易泣。紅萼無言耿相憶。長記曾攜手處。千樹壓、西湖寒碧。
又片片、吹盡也。幾時見得。

疏影 前題

此詞以相逢化作
莫似六字作骨

不能挽留聽其自
爲盛衰

苔枝綴玉。有翠禽小小。枝上同宿。客裏相逢。籬角黃昏。無
言自倚修竹。昭君不慣胡沙遠。但暗憶、江南江北。想佩環、
月下歸來。化作此花幽獨。猶記深宮舊事。那人正睡裏。
飛近蛾綠。莫似春風。不管盈盈。早與安排金屋。還教一片
隨波去。又却怨、玉龍哀曲。等恁時、重覓幽香。已入小窗橫
幅。

長亭怨慢

漸吹盡、枝頭香絮。是處人家。綠深門戶。遠浦縈回。暮帆零
亂。向何許。閱人多矣。誰得似、長亭樹。樹若有情時。不會得、
青青如此。日暮。望高城不見。只見亂山無數。韋郎去也。
怎忘得、玉環分付。第一是、早早歸來。怕紅萼、無人爲主。筭
只有并刀。難翦離愁千縷。

念奴嬌 荷花

鬧紅一舸。記年時、常與鴛鴦爲侶。三十六陂人未到，水珮風裳無數。翠葉吹涼，玉容消酒，更洒菰蒲雨。嫣然搖動，冷香飛上詩句。日暮飛蓋亭亭，情人不見，爭忍凌波去。只恐舞衣寒易落，愁入西風南浦。高柳垂陰，老魚吹浪，留我花間住。田田多少，幾回沙際歸路。

淡黃柳 合肥

空城曉角，吹入垂楊陌。馬上單衣寒惻惻。看盡鵝黃嫩綠，都是江南舊相識。正岑寂。明朝又寒食。強攜酒、小橋宅。怕梨花、落盡成秋色。燕燕飛來，問春何在，唯有池塘自碧。

淒涼犯 合肥 秋夕

綠楊巷陌，西風起，邊城一片離索。馬嘶漸遠，人歸甚處，戍

樓吹角。情懷正惡。更衰草、寒烟淡薄。似當時、將軍部曲。迤
邐度沙漠。追念西湖上。小舫攜歌。晚花行樂。舊游在否。
想如今、翠凋紅落。漫寫羊裙。等新雁、來時繫著。怕匆匆、不
肯寄與誤後約。

側犯 芍藥

恨春易去。甚春却向揚州住。微雨。正繭栗梢頭弄詩句。紅
橋二十四。總是行雲處。無語。漸半脫、宮衣笑相顧。金壺
細葉。千朶圍歌舞。誰念我、髣成絲。來此共尊俎。後日西園。
綠陰無數。寂莫劉郎。自修花譜。

惜紅衣 荷花

枕簟邀涼。琴書換日。睡餘無力。細洒冰泉。并刀破甘碧。牆
頭喚酒。誰問訊、城南詩客。岑寂。高樹晚蟬。說西風消息。

虹梁水陌。魚浪吹香。紅衣半狼藉。維舟試望。故國渺天北。可惜渚邊沙外。不共美人游歷。問甚時同賦。三十六陂秋色。

琵琶仙 吳興

雙槳來時。有人似、舊曲桃根桃葉。歌扇輕約。飛花蛾眉正奇絕。春漸遠、汀洲自綠。更添了、幾聲啼鴉。十里揚州。三生杜牧。前事休說。又還是、官燭分烟。奈愁裏、匆匆換時節。都把一襟芳思。與空階、榆筴。千萬縷。藏鴉細柳。爲玉尊、起舞迴雪。想見西出陽關。故人初別。

翠樓吟 武昌安遠樓成

月冷龍沙。塵清虎落。今年漢酺初賜。新翻胡部曲。聽旣幕、元戎歌吹。層樓高峙。看檻曲縈紅。檐牙飛翠。人姝麗。粉香

四句順逆相足

此地宜得人才而
人才不可得

宋四家詞選

五八

吹下夜寒風細。此地宜有神仙。擁素雲黃鶴。與君遊戲。
玉梯凝望久。歎芳草、萋萋千里。天涯情味。仗酒祇清愁。花
消英氣。西山外。晚來還卷一簾秋霽。

朝中措

陸游務觀

怕歌愁舞嬾逢迎。裝晚託春醒。總是向人深處。當時枉道
無情。關心近日。啼紅密訴。翦綠深盟。杏館花陰恨淺。畫
堂銀燭嫌明。

極相思

江頭疏雨輕烟。寒食落花天。翻紅墜素。殘霞暗錦。一段淒
然。惆悵東君堪恨處。也不念、冷落尊前。那堪更看。漫空
相趁。柳絮榆錢。

鵲橋仙 夜聞杜鵑

茅簷人靜。蓬窗燈暗。春晚連江風雨。林鶯巢燕總無聲。但月夜、常啼杜宇。催成清淚。驚殘孤夢。又揀深枝飛去。故山猶自不堪聽。況半世、飄然羈旅。

水龍吟

陳亮同甫

鬧花深處層樓。畫簾半捲東風軟。春歸翠陌。平莎茸嫩。垂楊金淺。遲日催花。淡雲閣雨。輕寒輕暖。恨芳菲世界。游人未賞。都付與鶯和燕。寂莫憑高念遠。向南樓、一聲歸雁。金釵鬥草。青絲勒馬。風流雲散。羅綬分香。翠綃封淚。幾多幽怨。正銷魂又是。疏烟淡月。子規聲斷。

孤鸞梅

趙以夫用父

江頭春早。問江上寒梅。占春多少。自照疏星冷。祇許春風到。幽香不知甚處。但迢迢、滿河烟草。回首誰家竹外。有一

枝斜好。記當年、曾共花前笑。念玉雪襟期，有誰知道。喚起羅浮夢，正參橫、月小。淒涼更吹塞管，漫相思、鬢毛驚老。待覓西湖半曲，對霜天清曉。

龍山會 九日

九日無風雨。一笑凭高，浩氣橫秋宇。羣峯青可數。寒城小，一水縈迴如縷。西北最關情，漫遙指、東徐南楚。黯消魂、斜陽冉冉，雁聲悲苦。今朝寒菊依然，重上南樓，草草成歡聚。詩朋休浪賦。舊題處、俛仰已隨塵土。莫放酒行疏，清漏短、涼蟾當午。也全勝、白衣未至，獨醒凝竚。

沁園春 送陳起莘歸長樂

陳經國

過了梅花，縱有春風，不如早還。正燕泥日暖，草絲別路，鶯朝烟淡，柳拂征鞍。黎嶺天高，建溪雷吼，歸好不知行路難。

龜山下。漸揚梅初熟。盧橘猶酸。名場老我閒關。分歲晚。誅茅湖上山。歎龍舒君去。尙留破硯。魚軒人老。長把連環。鏡影霜侵。衣痕塵暗。贏得狂名傳世間。君歸日。見家林舊竹。爲報平安。

滿江紅 九日冶城樓

方岳 巨山

且問黃花。陶令後、幾番重九。應解笑、秋厓人老。不堪詩酒。宇宙一舟吾倦矣。山河兩戒君知否。倚秋風、無奈劍花寒。虯龍吼。江欲醺。談天口。秋何負。持螯手。儘石麟蕪沒。斷烟衰柳。故國山圍青玉案。何人印佩黃金斗。倘只消、江左管夷吾。終須有。

水調歌頭 平山堂用東坡韻

秋雨一何碧。山色倚晴空。江南江北愁思。分付酒螺紅。蘆

葉篷舟千里。菰菜蓴羹一夢。無語寄歸鴻。醉眼渺河洛。遺恨夕陽中。蘋洲外。山欲暝。斂眉峯。人間俛仰陳迹。歎息兩仙翁。不見當時楊柳。只是從前烟雨。磨滅幾英雄。天地一孤嘯。匹馬又西風。

水調歌頭

九日多景樓

醉我一壺酒。了此十分秋。江濤還比當日擊楫渡中流。問訊重陽烟雨。俛仰人間今古。此意渺滄洲。天地幾今夕。舉白與君浮。舊黃花。新白髮。笑重游。滿船明月猶在。何日大刀頭。誰跨揚州鶴去。已怨故山猿老。借箸欲前籌。莫倚闌干北。天際是神州。

蝶戀花

秋懷

雁落寒沙秋惻惻。明月蘆花。共是江南客。騎鶴樓高邊羽

急。柔情不盡淮山碧。世路只催雙鬢白。菰菜蓴羹。正自令人憶。歸夢不知江水隔。烟帆飛過平如席。

賀新郎

蔣捷勝欲

渺渺啼鴉了。巨魚天、寒生峭嶼。五湖秋曉。竹几一燈人作夢。嘶馬誰行古道。起搔首、窺星多少。月有微黃籬無影。挂牽牛、數朶青花小。秋太淡、添紅棗。愁痕倚賴西風掃。被西風、翻催鬢鬢。與秋俱老。舊院隔霜簾不卷。金粉屏邊醉倒。計無此、中年懷抱。萬里江南吹簫恨。恨參差、白雁橫天渺。烟未斂、楚山杳。

夢冷黃金屋。歎秦箏、斜鴻陣裏。素絃塵撲。化作嬌鶯飛歸去。猶認窗紗舊綠。正過雨、荆桃如菽。此恨難平君知否。似瓊臺、涌起彈碁局。消瘦影、嫌明燭。鴛樓碎瀉東西玉。問

芳蹤何時再展。翠釵難卜。待把宮眉橫雲樣。描上生綃畫幅。怕不是、新來裝束。彩扇紅牙今都在。恨無人、解聽開元曲。空掩袖、倚寒竹。

瑞鶴仙

鄉城見月

紺烟迷雁迹。漸碎鼓零鐘。街喧初息。風檠背寒壁。放冰蜍飛到。蛛絲簾隙。瓊魂暗泣。念鄉關、霜蕪似織。漫將身、化鶴歸來。忘却舊游端的。歡極。蓬壺藥浸。花院梨溶。醉連春夕。柯雲罷奕。櫻桃在、夢難覓。勸清光乍可。幽窗相照。休照紅樓夜笛。怕人間、換譜伊涼。素娥未識。

女冠子

元夕

蕙花香也。雪晴池館如畫。春風飛到寶釵樓上。一片笙簫。琉璃光射。而今燈漫挂。不是暗塵明月。那時元夜。況年來

心癩意怯。平作羞與蛾兒爭耍。江城人悄初更打。問繁華
誰解。再向天公借。剔殘紅燄。但夢裏隱隱。鈿車羅帕。吳牋
銀粉砑。待把舊家風景。寫成閑話。笑綠鬟鄰女。倚窗猶唱。
夕陽西下。

絳都春

春愁怎畫。正鶯把帶綠。荼蘼花謝。細雨院深。淡月廊斜。重
簾挂。歸時記約燒燈夜。早坼盡。秋千紅架。縱然歸近。風光
又是。翠陰初夏。姹姪。顰青。恨玉珮罷舞。芳塵疑擲。
幾疑倩人。付與香蘭。秋羅帕。知他墮策斜攏馬。在底處。垂
楊樓下。無言暗擁嬌鬟。鳳釵溜也。

碧山故國之思甚
深託意高故能自
尊其體

賦物能將人景情
思一齊融入最是
碧山長處由其心
細筆靈取徑曲布
勢遠故也

不減白石風流

王沂孫

字聖與會稽人

南浦 春水

柳下碧粼粼。認麴塵、乍生色嫩如染。清溜滿銀塘。東風細、
參差穀紋初遍。別君南浦。翠眉曾照波紋淺。再來漲綠。迷
舊處。添却殘紅幾片。蒲萄過雨。正拍拍輕鷗。翩翩
小燕。簾影蘸樓陰。芳流去。應有淚珠千點。滄浪一舸。斷魂
重唱蘋花怨。采香幽徑。鴛鴦睡。誰道湔裙人遠。

花犯 苔梅

古嬋娟。蒼鬟素靨。盈盈瞰流水。斷魂十里。歎紺縷飄零。難
繫離思。故山歲晚誰堪寄。琅玕聊自倚。漫記我、綠簑衝雪。
孤舟寒浪裏。三花兩蕊。破蒙茸。依依似有恨。明珠輕委。
雲臥穩。藍衣正。護春憔悴。羅浮夢、半蟾挂曉。么鳳冷。山中

人乍起。又喚取玉奴歸去。餘香空翠被。

無悶 雪意

陰積龍荒。寒度雁門。西北高樓獨倚。悵短景無多。亂山如此。欲喚飛瓊起舞。怕攪碎紛紛銀河水。凍雲一片。藏花護玉。未教輕墜。清致。悄無似。有照水南枝。已攬春意。誤幾度憑闌。莫愁凝睇。應是梨花夢好。未肯放東風來人世。待翠管吹破蒼茫。看取玉壺天地。

眉嫵 新月

漸新痕懸柳。淡彩穿花。依約破初暝。便有團圓意。深深拜。相逢誰在香徑。畫眉未穩。料素娥猶帶離恨。最堪愛。一曲銀鈎小。寶簾挂秋冷。千古盈虧休問。歎漫磨玉斧。難補金鏡。太液池猶在。淒涼處。何人重賦清景。故山夜永。試待

何嘗不峭拔然略
祖此其所以爲碧
山之清剛也白石
好處無半點粗氣
矣

他窺戶端正。看雲外山河。還老桂花舊影。

水龍吟 牡丹

曉寒慵揭珠簾。牡丹院落花開未。玉闌干畔。柳絲一把。和風半倚。國色微酣。天香乍染。扶春不起。自真妃舞罷。謫仙賦後。繁華夢。如流水。池館家家芳事。記當時。買栽無地。爭如一朶。幽人相對。水邊竹際。把酒花前。剩拚醉了。醒來還醉。怕洛中春色。慙慙又入。杜鵑聲裏。

水龍吟 海棠

世間無此娉婷。玉環未破東風睡。將開半斂。似紅還白。餘花怎比。偏占年華。禁煙纔過。夾衣初試。歎黃州一夢。燕宮絕筆。無人解。看花意。猶記花陰同醉。小闌干。月高人起。千枝媚色。一庭芳景。清寒似水。銀燭延嬌。綠房留豔。夜深

花底怕明朝。小雨濛濛便化作燕支淚。

水龍吟

落葉

曉霜初著青林。望中故國淒涼早。蕭蕭漸積，紛紛猶墜，門
荒徑悄。渭水風生，洞庭波起，幾番秋杪。想重崖半沒，千峰
盡出，山中路，無人到。前度題紅杳杳。溯宮溝、暗流空遶。
啼螿未歇，飛鴻欲過，此時懷抱。亂影翻窗，碎聲敲砌，愁人
多少。望吾廬甚處，只應今夜，滿庭誰掃。

綺羅香

屋角疏星，庭陰暗水，猶記藏鴉新樹。試折梨花，行入小闌
深處。聽粉片、簌簌飄階。有人在，夜窗無語。料如今，門掩孤
燈，畫屏塵滿斷腸句。佳期渾似流水，還有梧桐幾葉，輕
敲朱戶。一片秋聲，應作兩邊愁緒。江路遠，歸雁無憑，寫繡

箋倩誰將去。漫無聊、猶掩芳尊。醉聽深夜雨。

齊天樂 螢

碧痕初化池塘艸。熒熒野光相趁。扇薄星流。盤明露滴。零落秋原飛燐。練裳暗近。記穿柳生涼。度荷分暝。誤我殘編。翠囊空歎夢無準。樓陰時過數點。倚闌人未睡。曾賦幽恨。漢苑飄苔。秦陵墜葉。千古淒涼不盡。何人爲省。但隔水餘暉。傍林殘影。已覺蕭疎。更堪秋夜永。

齊天樂 蟬

綠槐千樹西窗悄。厭厭晝眠驚睡。飲露身輕。吟風翅薄。半翦冰牋誰寄。淒涼倦耳。謾重拂琴絲。怕尋冠珥。短夢深宮。向人猶自訴憔悴。殘紅收盡過雨。晚來頻斷續。都是秋意。病葉難留。纖柯易老。空憶斜陽身世。窗明月碎。甚已絕

此身世之感

餘音尚遺枯蛻。髻影參差。斷魂清鏡裏。

一襟餘恨。宮魂斷。年年翠陰庭樹。乍咽涼柯。還移暗葉。重把離愁深訴。西窗過雨。怪瑤佩流空。玉箏調柱。鏡暗裝殘。爲誰嬌髻尚如此。銅仙鉛淚似洗。歎移盤去遠。難貯零露。病翼驚秋。枯形閱世。消得斜陽幾度。餘音更苦。甚獨抱清商。頓成淒楚。漫想薰風。柳絲千萬縷。

三姝媚

次周公謹故京送別韻

蘭缸花半綻。正西窗淒淒。斷螢新雁。別久逢稀。漫相看華髮。共成銷黯。總是飄零。更休賦。梨花秋苑。何況如今。離思難禁。俊才都減。今夜山高江淺。又月落帆空。酒醒人遠。彩袖烏絲。解愁人惟有。斷歌幽婉。一信東風。再約看。紅腮青眼。只恐扁舟西去。蘋花弄晚。

慶清朝 榴花

玉局歌殘。金陵句絕。年年負却薰風。西鄰窈窕。獨憐入戶
飛紅。前度綠陰載酒。枝頭色比似裙同。何須擬。蠟珠作蒂。
湘彩成叢。誰在舊家殿閣。自太真仙去。埽地春空。朱幡
護取。如今應誤花工。顛倒絳英滿徑。想無車馬到山中。西
風後。尙餘數點。還勝春濃。

高陽臺

淺萼梅酸。新溝水綠。初晴節序暄妍。獨立雕闌。誰憐枉度
華年。朝朝準擬清明近。料燕翎須寄吟牋。又爭知。一字相思。
不到吟邊。雙蛾不拂青鸞冷。任花陰寂寂。掩戶閑眠。
屢卜佳期。無憑却恨金錢。何人寄與天涯信。趁東風。急整
歸鞭。縱飄零滿院楊花。猶是春前。

高陽臺

西麓陳君衡遠游未還周公謹有懷人之賦倚其歌而和之

馳裼輕裝。賊驍小隊。冰河夜渡流澌。朔雪平沙。飛花亂拂。蛾眉琵琶。已是淒涼調。更賦情。不比當時。想如今。人在龍庭。初勸金卮。一枝芳信應難寄。向山邊水際。獨抱相思。江雁孤回。天涯人自歸遲。歸來依舊秦淮碧。問此愁。還有誰知。對東風。空似垂楊。零亂千絲。

高陽臺

殘雪庭陰。輕寒簾影。霏霏玉管春葭。小帖金泥。不知春是誰家。相思一夜窗前夢。奈箇人。水隔天遮。但淒然。滿樹幽香。滿地橫斜。江南自是離愁苦。況游驄古道。歸雁平沙。怎得銀牋。殷勤與說年華。如今處處生芳艸。縱凭高。不見天涯。更消他。幾度東風。幾度飛花。

傷感時易去

掃花游

小庭蔭碧。遇驟雨疎風。剩紅如掃。翠交徑小。問攀條弄蕊。有誰重到。漫說青青。比似花時更好。怎知道。一別漢南。遺恨多少。清晝人悄悄。任密護簾寒。暗迷窗曉。舊盟誤了。又新枝嫩子。總隨春老。漸隔相思。極目長亭路杳。攬懷抱。聽蒙茸。數聲啼鳥。未一別句本應五字減一字耳紅友詞律未及是誤忘檢校也按此類甚多若依列紅友即應另

刺朋黨日繁

捲簾翠濕。過幾陣殘寒。幾番風雨。問春住否。但怱怱暗裏。換將花去。亂碧迷人。總是江南舊樹。漫凝竚。念昔日采香人更何許。芳徑攜酒處。又蔭得青青嫩苔無數。故林晚步。想參差漸滿。野塘山路。倦枕閑床。正好微曛院宇。送淒楚。怕涼聲。又催秋暮。

瑣窗寒

趁酒梨花。催詩柳絮。一窗春怨。疎疎過雨。洗盡滿階芳片。
數東風。二十四番。幾番誤了西園宴。認小簾朱戶。不如飛
去。舊巢雙燕。曾見。雙蛾淺。自別後多應。黛痕不展。撲蝶
花陰。怕看題詩團扇。試憑他。流水寄情。溯紅不到春更遠。
但無聊、病酒厭厭。夜月茶蘼院。

望梅

畫闌人寂。喜輕盈照水。犯寒先坼。裊數枝。雲縷鮫綃。露淺
淺塗黃。漢宮嬌額。翦玉裁冰。已占斷、江南春色。恨風前素
豔。雪裏暗香。偶成拋擲。如今眼穿故國。待拈花弄蕊。時
話思憶。想隴頭。依約飄零。甚千里芳心。杳無消息。粉怯珠
愁。又只恐、吹殘羌笛。正斜飛、半窗曉月。夢回隴驛。

王沂孫下附錄

點絳脣

草

林

逋

君復

金谷年年亂生春色誰爲主。餘花落處滿地和烟雨。又是離歌一闋長亭暮。王孫去。萋萋無數南北東西路。又

浣溪紗

泛舟還餘英館

毛

滂

澤民

烟柳風蒲冉冉斜。小窗不用著簾遮。載將山影轉灣沙。略約斷時分岸色。蜻蜓立處過汀花。此情此水共天涯。

惜分飛

淚濕闌干花著露。愁到眉峯碧聚。此恨平分取。更無言語空相覷。斷雨殘雲無意緒。寂寞朝朝暮暮。今夜山深處。斷魂分付潮回去。

最高樓

微雨過。深院芰荷中。香冉冉。繡重重。玉人共倚闌干角。月華猶在小池東。入人懷。吹鬢影。可憐風。分散去。輕如雲。與葉。剩下了。許多風。與月。侵枕簟。冷簾櫳。剛能小睡還驚覺。略成輕醉。早惺忪。仗行雲。將此恨。到眉峯。

木蘭花

吁哈作

長安回首空雲霧。春夢覺來無覓處。冷烟寒雨又黃昏。數盡一堤楊柳樹。楚山照眼青無數。淮口潮生催曉度。西風吹面立蒼茫。欲寄此情無雁去。

醜奴兒慢

潘元質

愁春未醒。還是清和天氣。對濃綠陰中。庭院。燕語鶯啼。數點新荷。翠鈿輕泛。水平池。一簾風絮。才晴又雨。梅子黃時。忍記那回。玉人嬌困。初試單衣。共攜手。紅窗描繡。畫扇

題詩。怎有而今。半牀明月兩天涯。章臺何處。多應爲我。蹙損雙眉。

清平樂 柳花

呂本中 居仁

柳塘新漲。艇子操雙槳。閑倚曲樓成悵望。是處春愁一樣。傍人幾點飛花。夕陽又送棲鴉。試問畫樓西畔。暮雲恐近天涯。

洞仙歌 荷風

康與之 伯可

若耶溪路。別岸花無數。欲斂嬌紅向人語。與綠荷相倚。恨回首。西風波淼淼。三十六陂烟雨。新裝明照水。汀渚生香。不嫁東風。被誰誤。遣跡躑躅。騷客意千里。緜緜仙浪。遠何處。凌波微步。想南浦。潮生畫橈歸。正月曉風清。斷腸凝竚。

霜天曉角 梅

范成大 致能

晚晴風歇。一夜春堪折。脈脈花疏天淡。雲來去，數枝月。
勝絕。愁更絕。此情誰與說。惟有兩行低雁。知人倚闌干雪。

雙雙燕

史達祖 邦卿

過春社了。度簾幕中間。去年塵冷。差池欲住。試入舊巢相
竝。還相雕梁藻井。又軟語、商量不定。飄然快拂花梢。翠尾
分開紅影。芳徑。芹泥雨潤。愛貼地、爭飛競。誇輕俊。紅樓
歸晚。看足柳昏花暝。應自棲香正穩。便忘了、天涯芳信。愁
損翠黛雙蛾。日日畫闌獨凭。

瑞鶴仙

杏烟嬌濕鬢。過杜若汀洲。楚衣香潤。回頭翠樓近。指鴛鴦
沙上。暗藏春恨。歸鞭隱隱。便不念、芳痕未穩。自簫聲、吹落
雲東。再數故園花信。誰問。聽歌窗罅。倚月勾闌。舊家輕

俊。芳心一寸。相思後、總灰盡。奈春風多事。吹花搖柳。也把幽情喚醒。對南溪、桃萼翻紅。又成瘦損。

秋霽

江水蒼蒼。望倦柳殘荷。共感秋色。廢閣先涼。古簾空暮。雁程最嫌風力。故園信息。愛渠入眼。南山碧。念上國。誰是膾鱸江漢未歸客。還又歲晚。瘦骨臨風。夜聞秋聲。吹動岑寂。露蛩鳴。清鐙冷屋。翻書愁上鬢先白。年少俊游。渾斷得。但可憐處。無奈冉冉驚魂。采香南浦。翦梅烟驛。

解連環

孤雁

張

炎

叔夏

楚江空晚。悵離羣萬里。恍然驚散。自顧影、欲下寒塘。正沙淨艸枯。水平天遠。寫不成書。只寄得、相思一點。歎因循誤了。殘甌擁雪。故人心眼。誰憐旅愁荏苒。漫長門夜悄。錦

箏彈怨。想伴侶、猶宿蘆花。也曾念春前、去程應轉。暮雨相呼。怕驀地、玉關重見。未羞他、雙燕歸來、畫簾半卷。

探春 雪霽

銀浦流雲。綠房迎曉。一抹牆腰月淡。煖玉生香。懸冰解凍。碎滴瑤階如霰。纔放此三晴意。早瘦了、梅花一半。也知不作花香。東風何事吹散。搖落似成秋苑。甚釀得春來。怕教春見。野渡舟迴。前邨門掩。應是不勝清怨。次弟尋芳去。灑橋外、蕙香波暖。猶聽簷聲。看鐙人在深院。

高陽臺

西湖春感

接葉巢鶯。平波卷絮。斷橋斜日歸船。能幾番游。看花又是明年。東風且伴薔薇住。到薔薇、春已堪憐。更淒然、萬綠西冷。一抹寒烟。當年燕子知何處。但苔深韋曲。艸暗斜川。

見說新愁。如今也到鷗邊。無心再續笙歌夢。掩重門。淺醉
閑眠。莫開簾。怕見飛花。怕聽啼鴉。

度江雲

次趙元甫韻

錦香繚繞地。深燈挂壁。簾影浪花斜。酒船歸去後。轉首河
橋。那處認紋紗。重盟鏡約。還記得。前度秦嘉。惟只有。葉題
堪寄。流不到天涯。驚嗟。十年心事。幾曲闌干。想蕭娘聲
價。閒過了。黃昏時候。疎柳啼鴉。浦潮夜擁。平沙淨。問斷鴻。
知落誰家。書又遠。空江片月蘆花。

綺羅香

紅葉

萬里飛霜。千山落木。寒艷不招春妬。楓冷吳江。獨客又吟
愁句。正船檣。流水孤村。似花繞。斜陽芳樹。甚荒溝。一片淒
涼。載情不去。載愁去。長安誰問倦旅。羞見衰顏借酒。飄

零如許。漫倚新裝。不入洛陽花譜。爲回風起舞。尊前盡化作。斷霞千縷。記陰陰、綠徧江南。夜窗聽暗雨。

清平樂

候蛩淒斷。人語西風岸。月落沙平江似練。望盡蘆花無雁。暗教愁損蘭成。可憐夜夜閑情。只有一枝梧葉。不知多少秋聲。

八聲甘州

餞沈秋江

記玉關踏雪事清游。寒氣徹貂裘。傍枯林古道，長河飲馬，此意悠悠。短夢依然江表，老淚洒西州。一字無題處，落葉都愁。載取白雲歸去，問誰留楚佩，弄影中洲。折蘆花贈遠，零落一身秋。向尋常、野橋流水，待招來、不是舊沙鷗。空懷感，有斜陽處，最怕登樓。

憶舊游

記開簾送酒。隔水懸燈。款語梅邊。未了清游興。又飄然獨去。何處山川。淡風暗收榆莢。吹下沈郎錢。歎客裏光陰。消磨艷冶。都在尊前。留連。住人處。是鑑曲窺鶯。蘭沼圍泉。醉拂珊瑚樹。寫百年幽恨。分付吟牋。故園幾回飛夢。江雨夜涼船。縱忘却歸期。千山未必無杜鵑。

青玉案

黃公紹

年年社日停鍼線。爭忍見、雙飛燕。今日江城春已半。一身猶在。亂山深處。寂莫谿橋畔。征衫著破誰針綫。點點行行淚痕滿。落日解鞍芳草岸。花無人戴。酒無人勸。醉也無人管。

齊天樂

蟬

練恕可 行之

蛻仙飛佩。流空遠。珊珊數聲林杪。薄暑眠輕。濃陰聽久。勾引淒涼多少。長吟未了。想猶怯高寒。又移深窈。與整綃衣。滿身風露。正清曉。微熏庭院。晝永。那回曾記得。如訴幽抱。斷響難尋。餘悲獨省。葉底還驚秋早。齊宮路杳。歎事往魂消。夜閑人悄。漫想輕盈。粉奩雙鬢好。

齊天樂

蟬

唐

珏

王潛

蛻痕初染。仙莖露。新聲又移涼影。佩玉流空。綃衣翦霧。幾度槐昏柳暝。幽窗睡醒。奈欲斷還連。不堪重聽。怨結齊姬。故宮烟樹。翠陰冷。當時舊情在否。晚妝清鏡裏。猶記嬌鬢。亂咽頻驚。餘悲漸杳。搖曳風枝未定。秋期話盡。又抱葉淒淒。暮寒山靜。付與孤蛩。苦吟清夜永。

水龍吟

白蓮

淡裝人更嬋娟。晚奩淨洗鉛華膩。冷冷月色。蕭蕭風度。嬌
紅欲避。太液池空。霓裳舞倦。不堪重記。歎冰魂猶在。翠輿
難駐。玉簪爲誰輕墜。別有凌空一葉。泛清寒、素波千里。
珠房淚濕。明璫恨遠。舊游夢裏。羽扇生秋。瓊樓不夜。尙遺
仙意。奈香雲易散。綃衣半脫。露涼如水。

吳文英

字君特四明人

倦尋芳

錢周糾定夫

暮帆挂雨。冰岸飛梅。春思零亂。送客將歸。偏是故宮離苑。
醉酒會同涼月舞。尋芳還隔紅塵面。去難留。悵夫容路窄。
綠揚天遠。便繫馬、鶯邊清曉。烟草晴花。沙潤香輦。爛錦
年華。誰念故人游倦。寒食相思堤上路。行雲應在孤山畔。
寄新吟。莫空回。五湖春雁。

憶舊游

別黃澹翁

送人猶未苦。苦送春隨。人去天涯。片紅都飛盡。陰陰潤綠。
暗裏啼鴉。賦情頓雪雙鬢。飛夢逐塵沙。歎病渴淒涼。分香
瘦減。兩地看花。西湖斷橋路。想垂楊繫馬。依舊欹斜。葵
麥迷烟處。問離巢孤燕。飛過誰家。故人爲寫深怨。空壁掃

秋蛇。但醉上吳臺。殘陽草色歸思賒。

點絳脣

試燈夜初晴

卷盡愁雲。素娥臨夜新梳洗。暗塵不起。酥潤凌波地。
輦路重來。彷彿燈前事。情如水。小樓熏被。春夢笙歌裏。

西子妝

夢窗自度腔。湖上清明薄游

流水麴情。艷陽酤酒。畫舸游情如霧。笑拈芳艸。不知名。乍
凌波。斷橋西堍。垂楊漫舞。總不解。將春繫住。燕歸來。問彩
繩。纖手如今何許。歡盟誤。一箭流光。又趁寒食去。不堪
衰髻著飛花。傍綠陰、冷烟深樹。元都秀句。記前度。劉郎曾
賦。最傷心。一片孤山細雨。

唐多令

何處合成愁。離人心上秋。縱芭蕉、不雨也飈飈。都道晚涼

天氣好。有明月。怕登樓。年事夢中休。花空烟水流。燕辭歸客尚淹留。垂柳不縈裙帶住。漫長是。繫行舟。

玉漏遲 中秋

雁邊風訊小。飛瓊望杳。碧雲先晚。露冷闌干。定怯藉絲冰
挽。淨洗浮雲片玉。勝花影。春燈相亂。秦鏡滿。素娥未肯分
秋一半。每圓處。卽良宵。甚此夕。偏饒對歌臨怨。萬里嬋
娟。幾許霧屏雲幔。孤兔淒涼照水。曉風起。銀河西轉。摩淚
眼。瑤臺夢。回人遠。

祝英臺近 除夜立春

翦紅情。裁綠意。花信上釵股。殘日東風。不放歲華去。有人
添燭西窗。不眠侵曉。笑聲轉。新年鶯語。舊尊俎。玉纖曾
擘黃柑。柔香繫幽素。歸夢湖邊。還迷鏡中路。可憐千點吳

霜寒消不盡。又相對落梅如雨。

祝英臺近

春日客龜溪游廢園

采幽香。巡古苑。竹冷翠微路。門草溪根。沙印小蓮步。自憐
兩鬢清霜。一年寒食。又身在、雲山深處。晝閑度。因甚天
也慳春。輕陰便成雨。綠暗長亭。歸夢趁風絮。有情花影闌
干。鶯聲門徑。解留我、霎時凝竚。

喜遷鶯

福山蕭寺歲除

江亭年暮。趁飛雁又聽。數聲柔櫓。藍尾杯單。膠牙錫淡。重
省舊時羈旅。雪舞野梅籬落。寒擁漁家門戶。晚風峭。作初
番花信。春還知否。何處。圍艷冶。紅燭畫堂。博簫良宵午。
誰念行人。愁先芳艸。輕送年華如羽。自剔短檠不睡。空索
彩挑新句。便歸好。料鴉黃已染。西池千縷。

高陽臺 落梅

宮粉凋痕。仙雲墮影。無人野水荒灣。古石熏香。金沙鑲骨
連環。南樓不恨吹橫笛。恨曉風、千里關山。半飄零、庭下黃
昏。月冷闌干。壽陽宮裏愁鸞鏡。問誰調玉髓。暗補香瘢。
細雨歸鴻。孤山無限春寒。離情難倩。招清些、夢縞衣。解珮
溪邊。最愁人。啼鳥清明。葉底清圓。

高陽臺

豐樂樓

修竹凝裝。垂楊駐馬。憑闌淺畫成圖。山色誰題。樓前有雁
斜書。東風緊送斜陽下。弄舊寒、晚酒醒餘。自銷凝。能幾花
前。頓老相如。傷春不在高樓上。在燈前、欹枕。雨外熏鑪。
怕樣游船。臨流可奈清癯。飛紅若到西湖底。攪翠瀾、總是
愁魚。莫重來。吹盡香絲。淚滿平蕪。

解語花

梅花

門橫皺碧。路入蒼烟。春近江南岸。暮寒如翦。臨溪影、一一半斜清淺。飛雲弄晚。蕩千里、暗香平遠。端正看、瓊樹三枝。總是蘭昌見。酥瑩雲容夜暖。伴蘭翹清瘦。簫鳳柔婉。冷雲荒苑。幽棲久、無語暗申春怨。東風半面。料準擬何郎詩卷。歡未闌、烟雨青黃。宜晝陰庭館。

荒苑本作荒翠。誤失一韻。

齊天樂

新烟初試花如夢。疑收楚峯殘雨。茂苑人歸。秦樓燕宿。同惜天涯爲旅。游情最苦。早柔綠迷津。亂莎荒圃。數樹梨花。晚風吹墮半汀鷺。流紅江上去遠。翠尊曾共醉。雲外別墅。淡月秋千。幽香巷陌。愁結傷春深處。聽歌看舞。駐不得當時。柳蠻樊素。睡起厭厭。洞簫誰院宇。

烟波桃葉西陵路。十年斷魂湖尾。古柳重攀。輕鷗驟別。陳迹危亭獨倚。涼颼乍起。渺烟積飛帆。暮山橫翠。但有江花。共臨秋鏡照憔悴。華堂燭暗送客。眼波回盼處。芳艷流水。素骨凝冰。柔葱蘸雪。猶憶分瓜深意。清尊未洗。夢不濕行雲。漫沾殘淚。可惜秋宵。亂蛩疎雨裏。

掃花游

送春古江村

水園沁碧。驟夜雨飄紅。竟空林島。艷春過了。有塵香墜鈿。尚遺芳艸。步繞清陰。漸覺交枝徑小。醉深窈。愛綠葉翠圓。勝看花好。芳架雪未掃。怪翠被佳人。困迷清曉。柳絲繫棹。問閭門自古。送春多少。倦蝶慵飛。故撲簪花破帽。醉殘照。掩重城。暮鐘不到。

解蹀躞

醉雲又兼醒雨。楚夢時來往。倦蜂剛著梨花惹。游蕩還作一段相思。冷波葉舞愁紅。送人雙漿。暗凝想。情共天涯秋黯。叶可朱橋鎖聲巷。會須投得輕分頓。惆悵。此去幽幽誰來。可憐殘照西風。半裝樓上。

惜紅衣

余從石帚游茗霽間三十五年矣。重來傷今感昔。聊以詠懷。

驚老秋絲。蘋愁暮雪。鬢那不白。倒柳移栽。如今暗溪碧。烏衣細語。傷伴惹。茸紅曾約。叶借南陌。前度劉郎。尋流花蹤迹。朱樓水側。雪面波光。汀蓮沁顏色。當時醉近。繡箔夜吟寂。巧叶三十六陂重到。清夢冷雲南北。買釣舟溪上。應有烟蓑相識。

風入松

聽風聽雨過清明。愁草瘞花銘。樓前綠暗分攜路。一絲柳、

一寸柔情。料峭春寒中酒。交加曉夢啼鶯。西園日日掃
林亭。依舊賞新晴。黃蜂頻撲秋千索。有當時、纖手香凝。惆
悵雙鴛不到。幽階一夜苔生。

鶯啼序

殘寒正欺病酒。掩沈香繡戶。燕來晚、飛入西城。似說春事
遲暮。畫船載、清明過却。晴烟冉冉吳宮樹。念羈情、游蕩隨
風。化爲輕絮。十載西湖。傍柳繫馬。趁嬌塵、軟霧。溯紅漸、
招入仙溪。錦兒偷寄幽素。倚銀屏、春寬夢窄。斷紅濕、歌紈
金縷。暝堤空、輕把斜陽。總還鷗鷺。幽蘭旋老。杜若還生。
尙水鄉寄旅。別後訪、六橋無信。事往花萎。瘞玉埋香。幾番
風雨。長波妬盼。遙山羞黛。漁燈分影春江宿。記當時、短楫
桃根渡。青樓彷彿。臨分敗壁題詩。淚墨慘淡塵土。危亭

望極。艸色天涯。歎鬢侵半苧。暗點檢、離痕歡唾。尚染鮫綃。
彈鳳迷歸。破鸞慵舞。殷勤待寫。書中長恨。藍霞遼海。沈過
雁。謾相思。彈入哀箏柱。傷心千里江南。怨曲重招。斷魂在
否。

古香慢

自度夷則商犯無射宮賦滄浪看桂

怨蛾墜柳。離佩搖蕙。霜訊南圃。漫掩橋扉。倚竹袖寒日暮。
還問月中遊夢。飛過金風翠羽。把殘雲、剩水萬頃。暗熏冷
麝淒苦。漸浩渺、凌山高處。秋澹無光。殘照誰主。露粟侵
肌。夜約羽林輕誤。翦碎惜秋心。更腸斷、珠塵薛路。怕重陽
又催近滿城風雨。

水龍吟

惠山泉

艷陽不到青山。淡烟冷翠成秋苑。吳娃點黛。江妃擁髻。空

濛遮斷。樹密藏溪。草深迷市。隋雲一片。作平二十年舊夢。輕鷗
素約。霜絲亂。朱顏變。龍吻春霏玉濺。煮銀瓶、羊腸車轉。
臨泉照影。清寒沁骨。客塵都浣。鴻漸重來。夜深華表。露零
鶴怨。把閒愁換與樓前晚色。棹滄波遠。

桃源憶故人

越山青斷西陵浦。一片密陰疏雨。潮帶舊愁生暮。曾折垂
楊處。桃根桃葉當時渡。嗚咽風前柔櫓。燕子不留春住。
空寄離檣語。

吳文英下附錄

離亭宴

張昇 果卿

一帶江山如畫。風物向秋蕭洒。水浸碧天何處斷。霽色冷
光相射。蓼嶼荻花洲。掩映竹籬茅舍。雲際客帆高挂。烟

外酒旗低亞。多少六朝興廢事。盡入漁樵閑話。悵望倚層樓。寒日無言西下。

蝶戀花

趙令時 德麟

欲減羅衣寒未去。不卷珠簾。人在深深處。殘杏枝頭花幾許。啼紅止恨清明雨。盡日水沈香一縷。宿酒醒遲。惱破春情緒。飛燕又將歸信誤。小屏風上西江路。

烏夜啼

樓上縈簾弱絮。牆頭碍月低花。年年春事關心事。腸斷欲棲雅。舞鏡鸞情翠減。啼珠鳳蠟紅斜。重門不鎖相思夢。依舊繞天涯。

清平樂

王安國 平甫

留春不住。費盡鶯兒語。滿地殘紅宮錦污。昨夜南園風雨。

小憐初上琵琶。曉來思繞天涯。不肯畫堂朱戶。春風自在楊花。

木蘭花

蘇庠 養直

江雲疊疊遮鴛浦。江水無情流薄暮。歸帆初張葦邊風。客夢不禁篷背雨。渚花不解留人住。只在深愁無盡處。白沙烟樹有無中。雁落滄洲何處所。

菩薩蠻

陳克 子高

赤闌橋盡香街直。籠街細柳嬌無力。金碧上晴空。花晴簾影紅。黃衫飛白馬。日日青樓下。醉眼不逢人。午香吹暗塵。

綠蕪牆繞青苔院。中庭日淡芭蕉展。胡蝶上階飛。風簾自在垂。玉鉤雙語燕。寶鬢楊花轉。幾處簸錢聲。綠窗春夢

輕。

謁金門

愁脈脈。目斷江南江北。烟樹重重芳信隔。小樓山幾尺。
細草孤雲斜日。一晌弄晴天色。簾外落花飛不得。東風無
氣力。

花滿院。飛去飛來雙燕。紅雨入簾寒不卷。曉屏山六扇。
翠袖玉笙淒斷。脈脈兩蛾愁淺。消息不知郎近遠。一春長
夢見。

木蘭花

嚴仁次山

春風只在園西畔。薺菜花繁胡蝶亂。冰池晴綠照還空。香
徑落紅吹已斷。意長翻恨游絲短。盡日相思羅帶緩。寶
奩如月不欺人。明日歸來君試看。

齊天樂 中秋夜懷梅溪

高觀國 賓王

晚雲知有關山念。澄霄卷開清霽。素景中分。冰盤正溢。何啻嬋娟千里。危闌靜倚。正玉管吹涼。翠觴留醉。記約清吟。錦袍初喚醉魂起。孤光天地共影。浩歌誰與舞。淒涼風味。古驛烟寒。幽垣夢冷。應念秦樓十二。歸心對此。想斗插天南。雁橫烟水。試問姮娥。有愁能爲寄。

八寶裝

即新雁
過南樓

陳允平 君衡

望遠秋平。初過雨。微茫水滿烟汀。亂蕙疏柳。猶帶數點殘螢。待月重樓誰共倚。信鴻斷續兩三聲。夜如何。頓涼驟覺。紈扇無情。還思驂鸞素約。念鳳簫雁瑟。取次塵生。舊日潘郎。雙鬢半已星星。琴心錦意暗懶。又爭奈。西風吹恨醒。屏山冷。怕夢魂飛度。藍橋不成。

西麓和平婉麗最
合世好但無健舉
之筆沈摯之思學
故爲後人拈出

垂楊 懷古

銀屏夢覺。漸淺黃嫩綠。一聲鶯小。細雨輕塵。建章初閉東風悄。依然千樹長安道。翠雲鎖。玉窗深窈。斷橋人空倚斜陽。帶舊愁多少。還是清明過了。任烟縷露條。碧纖青裏。恨隔天涯。幾回惆悵蘇堤曉。飛花滿地誰爲掃。甚薄倖。隨波縹緲。啼鴉不喚春歸。人自老。

大聖樂 東園餞春

周 密 公 謹

艸窗最近夢窗但
夢窗思沈力厚艸
窗則貌合耳若其
倫新門冶固自絕

嬌綠迷雲。倦紅顰曉。嫩晴芳樹。漸午陰、簾影移香。燕語夢回。千點碧桃吹雨。冷落錦衾人歸後。記前度、蘭橈停翠浦。凭闌久。漫凝竚。鳳翹慵聽金縷。留春問誰最苦。奈花自無言。鶯自語。對畫樓殘照。東風吹遠。天涯何許。怕折露條愁輕別。更烟暝。長亭啼杜宇。垂楊晚。但羅袖、晴沾飛絮。

惟此及瓊花二闋然
一盤旋毫無切
不他作題尋典就
典趁韻就韻成句
墮落苦海矣特拈
出之以爲南宋諸
公鍼砭

花犯 水仙花

楚江湄。湘娥乍見。無言灑清淚。淡然春意。空獨倚東風。芳
思誰記。凌波路冷秋無際。香雲隨步起。漫記漢宮仙掌。亭
亭明月底。冰絃寫怨更多情。騷人恨枉賦。芳蘭幽芷。春
思遠。誰賞國香風味。相將共、歲寒伴侶。小窗靜。沈烟熏翠
被。幽夢覺。涓涓清露。一枝鐙影裏。

瑤華 瓊花

朱鈿寶玦。天上飛瓊。比人間春別。江南江北。曾未見。漫擬
梨雲梅雪。淮山春晚。問誰識、芳心高潔。消幾番、花落花開。
老了玉關豪傑。金壺剪送瓊枝。看一騎紅塵。香度瑤闕。
韶華正好。應自喜、初識長安蜂蝶。杜郎老矣。想舊事、花須
能說。記少年一夢揚州。二十四橋明月。

玉京秋

烟水闊。高林弄殘照。晚蠲淒切。碧砧度韻。銀牀飄葉。衣濕
桐陰露冷。采涼花。時賦秋雪。難輕別。一襟幽事。砌蛩能說。
客思吟商還怯。怨歌長。瓊壺暗缺。翠扇疏。紅衣香褪。翻
成銷歇。玉骨西風。恨最恨。聞却新涼時節。楚簫咽。誰倚西
樓淡月。

解語花

晴絲罥蝶。暖蜜酣蜂。重簾卷春寂寂。雨萼烟梢。壓闌干。花
雨染衣紅濕。金鞍誤約。叶借空極目。天涯草色。閬苑玉簫人
去後。唯有鶯知得。餘寒猶掩翠戶。梁燕乍歸。芳信未端
的。淺薄東風。莫因循。輕把杏鈿狼籍。塵侵錦瑟。殘日紅窗
春夢窄。睡起折枝無意緒。斜倚秋千立。

曲游春 游西湖

禁苑東風外。颺暖絲晴絮。春思如織。燕約鶯期。惱芳情偏在。翠深紅隙。漠漠香塵隔。拂十里、亂絲叢笛。看畫船、盡入西泠。閒却半湖春色。柳陌。新烟凝碧。映簾底官眉。隄上游勒。輕暝籠烟。怕梨雲夢冷。杏香愁羃。歌管酬寒食。奈蜨怨良宵岑寂。正恁醉月搖花。怎生去得。

拜新月慢

春莫寄夢窗

膩葉陰清。孤花香冷。迤邐芳洲春換。薄酒孤吟。悵相如游倦。想人在、絮幕香簾凝望。誤認幾許烟檣風幔。芳艸天涯。負華堂雙燕。記簫聲、淡月梨花院。研箋紅漫寫東風怨。一夜花落鶻啼。喚四橋吟伴。蕩歸心、已過江南岸。清宵夢、遠逐飛花亂。幾千萬、絲縷垂楊。繫春愁不斷。

法曲獻仙音

甲 雪 香 亭 梅

松雪飄寒嶺。雲吹凍紅破。數枝春淺。靚舞臺荒。浣裝池冷。
淒涼市朝輕換。歎花與人凋謝。依依歲華晚。共淒黯。問
東風。幾番吹夢。應慣識。當年翠屏金輦。一片古今愁。但廢
綠。平烟空遠。無語消魂。對斜陽。衰艸淚滿。又西冷殘笛。低
送數聲春怨。

木蘭花

聞 笛

王武子

紅樓十二春寒側。樓角何人吹玉笛。天津橋上舊曾聽。三
十六宮秋艸碧。昭華人去無消息。江上青山空晚色。一
聲落盡短亭花。無數行人歸未得。

湘春夜月

黃孝邁 德文

近清明。翠禽枝上銷魂。可惜一片清歌。都付與黃昏。欲共

柳花低訴。奈柳花輕薄。不解傷春。念楚鄉旅宿。柔情別緒。誰與溫存。空尊夜泣。青山不語。殘月當門。翠玉樓前。唯是有一波湘水。搖蕩湘雲。天長夢短。問甚時。重見桃根。這次弟。算人間沒箇。并刀剪斷。心上愁痕。

念奴嬌

王夢應 靜得

欲霜更雨。記青黃籬落。東風前此。簾外秋容人共老。雁與愁飛千里。水郭烟明。竹陂波小。萬葉寒聲起。凭高那更。九嶷吹盡雲氣。婉婉空復多情。年年歸夢。花與柴桑似。誰解魂消風日晚。短笛孤舟秋水。江蟹籠新。露黃樹淺。澆得鄉關思。平蕪天遠。一痕橫抹秋霽。

法曲獻仙音

樓 采 君亮

花匣么絃。象奩雙陸。舊日留歡情意。夢到銀屏。恨裁蘭燭。

香篝夜闌。鴛被料燕子重來地。桐陰鎖窗綺。倦梳洗。暈
芳鈿。自羞鸞鏡。羅袖冷。烟柳畫闌半倚。淺雨壓茶蘼。指東
風。芳事餘幾。院落黃昏。怕春鶯驚笑蕉萃。倩柔紅約定。喚
取玉簫同醉。

綠意

荷葉

無名氏

詞綜列入無名氏
詞見一本作夢窗
詞今忘其何本矣
仍列此不入夢窗
後但剩原云作喜
淨

碧圓自潔。向淺洲遠浦。亭亭清絕。猶有遺簪。不展秋心。能
卷幾多炎熱。鴛鴦密語同傾蓋。且莫與、浣紗人說。怨歌忽
斷花風。碎却綠雲千疊。回首當年漢舞。怕飛去、謾縹留
仙裙摺。戀戀青衫。猶染枯香。還笑髻絲飄雪。盤心清露如
鉛水。又一夜、西風聽折。但剩看、匹練秋光。倒瀉半湖明月。

